




吳氏
重訂

本草綱目

十七
一三五

Kitasato Memorial Medical Library







☒
h-19
16

Kitasato Memorial Medical Library

F 10
水-47



1881
No. 1821
P. 972



藤文川士寄

3458

Handwritten text in cursive Japanese calligraphy (sōsho) on a textured background. The characters are dark and fluid, arranged in several horizontal lines across the page.



本草綱目草部第十七卷下

草之六

雄本經下品

釋名白幕

本經時珍曰天雄乃種附子而生出或變出其形長而不生子故曰天雄其長

而尖者謂之天錐象形也

集解

別錄曰天雄生少室山谷二月采根陰乾弘景曰今採用八月中旬天雄似附子細而長

乃至三四寸許此與烏頭附子三種本出建平故謂之三建今宜都恨山者最好謂為西建錢塘間者謂為東建氣力小弱不相相似故曰西水猶勝東白也其用灰殺之時有水強者不佳恭曰天雄附子烏頭並以蜀道綿州龍州出者佳餘處縱有力弱不相似陶以三物俱出建平故名之者非也烏

本草綱目草部

卷十七下



3428

尾張漢井氏記

頭苗名董音新爾雅云及董草是也今訛董為遠遂以建平譯之矣承曰天雄諸說悉備但始種而不生附子側子經年獨長大者是也蜀人種之尤忌生此以為不利如養蠶而成白蠶之意時珍曰天雄有二種一種是蜀人種附子而生出長者或種附子而盡變成長者即如種芋形狀不一之類一種是他處草鳥頭之類自生者故別錄註鳥喙云長三寸已上者為天雄是也入藥須用蜀產會經釀制者或云須重一兩半有象眼者乃佳餘見附子下

修治數曰宜炮皴去皮尖底用或陰制如附子法亦得大明曰凡丸散炮去皮用飲藥即和皮生使甚佳時珍曰熟用一法每十兩以酒浸七日掘土坑用炭半秤煨赤去火以醋二升沃之候乾乘熱入天雄在內小盆合一夜取出去臍用之

氣味辛溫有大毒別錄曰甘大溫權曰大熱宜乾薑制之之才曰遠志為之使

惡腐婢忌豉汁

主治大風寒濕痺歷節痛拘攣緩急破積聚邪氣

金瘡強筋骨輕身健行本經療頭面風去來疼痛心

腹結聚關節重不能行步除骨間痛長陰氣強志

令人武勇力作不倦別錄禹錫曰按淮南子云天雄一枚納雄雞腸中搗食之令人勇治風痰冷痺軟脚毒風能止氣

喘促急殺禽蟲毒甄權治一切風一切氣助陽道暖

水臙補腰膝益精明目通九竅利皮膚調血脉四肢不遂下胸膈水破痞癰結排膿止痛續骨消

瘀血背脊僵僕霍亂轉筋發汗止陰汗炮含治喉

痺大

發明

宗奭曰補虛寒須用附子風家多用天雄亦取其大者以其尖角多熱性不肯就下故取其數散也元素曰非天雄不能補上焦之陽虛震亨曰天雄皆氣壯形偉可為下部之佐時珍曰烏附天雄皆是補下焦命門陽虛之藥補下所以益上也若是上焦陽虛即屬心脾之分當用參芪不當用天雄也且烏附天雄之尖皆是向下生者其氣下行其臍乃向上生苗之處寇宗奭言其不肯就下張元素言其補上焦陽虛皆是誤認尖為上爾惟朱震亨以為下部之佐者得之而未發出此義雷敷炮灸論序云咳逆數數酒服熟雄謂以天雄炮研酒服一錢也

附方

新三建湯治元陽素虛寒邪外攻手足厥冷大小便滑數小便白渾六脉沉微

除固冷扶元氣及傷寒陰毒用烏頭附子天雄並炮裂去皮臍等分攪咀每服四錢水二盞薑十五

片煎八分温男子失精天雄三兩炮白朮八兩桂服肘後方

酒服半錢張大風惡癩三月四月采天雄烏頭仲景金匱要畧

漬細粒黑豆摩去皮不落者一夜取出晒乾又浸如此七次初吞三枚漸加至六七枚禁房室猪魚

雞蒜犯之即死

側子

別錄

釋名

煎子時珍曰生于附子之側故名許慎說文作煎子

集解

弘景曰此附子邊角之大者削取之昔時不

皆是烏頭下旁出者以小者為側子大者為附子

今以附子角為側子理必不然若當陽以下注在

山南嵩高齊魯間附子時復有角如大豆許夔州
以上劍南所出者附子之角但如黍粟豈可充用
比來都下皆用細附子有効未嘗取角也保昇曰
今附子邊果有角如大棗核及檳榔以來者形狀
自是一顆且不小乃烏頭旁出附子附子旁出側
子甚明時珍曰側子乃附子旁粘連小者爾故吳
普陶弘景皆指為附子角之大者其又小于側子
者即漏藍子矣故楊氏附子記言側子漏藍園人
皆不重之
以乞役夫

修治
子同附

氣味辛大熱有大毒普曰神農岐伯有大毒**主治**

癰腫風痺歷節腰脚疼冷寒熱鼠瘻又墮胎別錄

脚氣冷風濕痺大風筋骨攣急甄權冷酒調服治遍

身風癰神妙
雷教

發明
機曰烏頭乃原生之腦得母之氣守而不移
居乎中者也側子散生旁側體無定在其氣

輕揚宜其發散四肢充達皮毛為治風之藥天雄
長而尖其氣親上宜其補上焦之陽虛木鼈子則
餘氣所結其形催殘宜其不入湯服令人喪目也
時珍曰唐元希聲侍郎治癰瘻風有側子湯見外
臺秘要藥
多不錄

漏藍子
綱目

釋名木鼈子炮炙虎掌日華時珍曰此乃附子之
瑣細未成者小而漏藍故

名南星之最小者名虎掌此物類之故亦同名大
明會典載四川成都府歲貢天雄二十對附子五
十對烏頭五十對漏
藍二十斤不知何用

氣味苦辛有毒教日服之令人喪目**主治**惡痢冷漏瘡惡瘡

癘風時珍

發明時珍曰按楊士瀛直指方云凡漏瘡年久者復其元陽當用漏蓋子輩加減用之如不當

用而輕用之又恐熱氣乘虛變移結核而為害尤甚也又按類編云一人兩足生瘡臭潰難近夜宿

五夫人祠下夢神授方用漏蓋子一枚生研為末入膩粉少許井水調塗依法治之果愈蓋此物不堪服餌止宜

入瘡科也

附方一切惡痢

維下及休息痢百歲充用漏蓋子一箇大者阿膠木香黃連罌粟殼各半兩俱炒焦存性入乳香少許為末糊丸梧子大每一歲一丸米飲下

烏頭本經下品

校正併入拾遺獨白草

羅天益衛生寶鑑

釋名烏喙本經即兩頭尖草烏頭綱目土附子華日奚毒本經耿

子吳普毒公吳普又金鴉綱目苗茗莨音良莨音及董音近獨

白草拾遺鴛鴦菊綱目汁煎名射罔普曰烏頭形如鳥

合如鳥之喙者名曰烏喙喙即鳥之口也恭曰鳥喙即鳥頭異名也此有三岐者然兩岐者少若鳥

頭兩岐名烏喙則天雄附子之兩岐者復何以名之時珍曰此即烏頭之野生于他處者俗為之草

烏頭亦曰竹節烏頭出江北者曰淮烏頭日華子所謂土附子者是也烏喙即偶生兩岐者今俗呼

為兩頭尖因形而名其實乃一物也附子天雄之偶生兩岐者亦謂之烏喙功亦同于天雄非此烏

頭也蘓恭不知此義故反疑之草烏頭取汁曬為毒藥射禽獸故有射罔之稱後魏書言遼東塞外

秋收烏頭為毒藥射禽獸陳藏器所引續漢五行志言西國生獨白草煎為藥敷箭射人即死者皆

此烏頭非川烏頭也菊譜云鴛鴦菊即烏喙苗也

集解

別錄曰烏頭烏喙生朗陵山谷正月二月采
葉厚莖方中空葉四四相當與蒿相似弘景曰今
採用四月亦以八月采搗荳汁日煎為射罔獵
人以傳箭射禽獸十步即倒中人亦死宜速解之
朗陵屬汝南郡大明曰土附子生去皮搗濾汁澄
清旋添晒乾取膏名為射罔以作毒箭時珍曰處
處有之根苗花實並與川烏頭相同但此係野生
又無釀造之法其根外黑內白皺而枯燥為異爾
然毒則甚焉段成式酉陽雜俎言雀芋狀如雀頭
置乾地反濕濕地反乾飛鳥觸之隨走獸遇之僵
似亦草烏之類而毒更甚也又言建寧郡烏勾山
有牧靡草鳥鵲誤食烏喙中毒必急
食此草以解之牧靡不知何藥也
修治 時珍曰草烏頭或生用或炮用
或以烏大豆同煮熟去其毒用

烏頭氣味辛温有大毒

別錄曰其大熱大毒普曰
神農雷公桐君黃帝甘石
毒權曰苦辛大熱有大毒大明曰味酸辛熱有毒
之十曰莽草遠志為之使反半夏枯樓貝母白欬
白芨惡藜蘆時珍曰伏丹砂砒石忌
或汁畏飴糖黑豆冷水能解其毒
主治 中風惡

風洗洗出汗除寒濕痺欬逆上氣破積聚寒熱其

汁煎之名射罔殺禽獸 本經 消胸上痰冷食不下心

腹冷痰臍間痛不可俛仰目中痛不可久視又墮

胎 別錄 主惡風憎寒冷痰包心腸腹痛痲痺氣塊

齒痛益陽事強志 甄權 治頭風喉痺癰腫疔毒 時珍

烏喙一名兩頭尖氣味辛微温有大毒 普曰神農
雷公桐君

黃帝有毒權曰苦辛大熱○畏惡同烏頭主治風濕丈夫腎濕陰寒癢

寒熱歷節掣引腰痛不能行步癰腫膿結又墮胎

別錄男子腎氣衰弱陰汗癩癧歲月不消難主大風

頑痺時珍

射罔氣味苦有大毒之才曰溫大明曰人中射罔

冷水薺菀皆可一味禦之主治尸疰癥堅及頭中風痺別錄瘰瘡

瘡根結核癩癧毒腫及蛇咬先取塗肉四畔漸漸

近瘡習習逐病至骨瘡有熱膿及黃水塗之若無

膿水有生血及新傷破即不可塗立殺人藏器

發明時珍曰草烏頭射罔乃至毒之藥非若川烏

自非風頑急疾不可輕投甄權藥性論言其益陽

事治男子腎氣衰弱者未可遽然也此類止能搜

風勝濕開頑痰治頑瘡以毒攻毒而已豈有川烏

頭附子補右腎命門之功哉吾斷郝知府自負知

醫因病風癰服草烏頭木熬子藥過多甫入腹而

麻痺遂至不救可不慎乎機曰烏象形如鳥嘴其

氣鋒銳宜其通經絡利關節尋蹊達徑而直抵病

所煎為射罔能殺禽獸非氣之鋒銳捷利能如是

乎楊清叟曰凡風寒濕痺骨內冷痛及損傷入骨

年久發痛或一切陰疽腫毒並宜草烏頭南星等

分少加肉桂為末薑汁熱酒調塗未破者能內消

久潰者能去黑爛二藥性味辛烈能破惡塊逐寒

遇熱即消熱遇冷即消

附方舊四新陰毒傷寒生草烏頭為末以葱頭蘸

王海蔴陰 二便不通 即上方名 中風癱瘓 手足顫

瘳左經丸用草烏頭炮去皮四兩川烏頭炮去

皮二兩乳香沒藥各一兩為末生烏豆一升以斑

蝥三七箇去頭翅同煮豆熟去蝥取豆焙乾為末

和勻以醋麪糊丸梧子大每服三十九溫酒下

簡易 癱瘓頑風 骨節疼痛下元虛冷諸風痔漏下

方 癱瘓頑風 血一切風瘡草烏頭川烏頭兩頭

尖各三錢硫黃麝香丁香各一錢木鱉子五箇為

末以蒸艾揉軟合成一處用鈔紙包裝燒為病

處名雷丸 孫 諸風不遂 宋氏集驗方用生草烏

天仁集効方 諸風不遂 頭晚蠶沙等分為末取

生地龍搗和入少醋糊丸梧子大每服四五丸白

湯下其妙勿多服悉麻人名鄂渚小金丹○經驗

濟世方用草烏頭四兩去皮大豆半升盪一兩同

以沙瓶煮三伏時去豆將烏頭入木日橋三百杵

作餅焙乾為末酒糊丸梧子大 一切頑風 神應丹

每空心搥湯下十九名至寶丹 一切頑風 用生草

烏頭生天麻各洗等分搗爛絞汁傾盆中礱一夜

坑其下燒火將盆放坑上每日用竹片攪一次夜

則露之晒至成膏作成小錠子每一錠分作三一

服用葱薑自然汁和好酒熱服 乾坤秘韞 一

切風證 一斤生川烏頭一枚生附子一枚並為末

葱一斤薑一斤雷如泥和作餅子以草鋪盤內加

楮葉於上安餅於葉上又鋪草葉蓋之待出汗黃

一日夜乃爛之春為末以生薑取汁煮麪糊和丸

梧子大初服三十丸二日服後身痺汗出即愈

避風 乾 破傷風病 壽域方用草烏頭為末每以

門事親方用草烏尖白芷并生研末每服半錢冷

酒一盞入葱白一根同煎服少頃以葱白熱粥投

之汗出 年久麻痺 或歷節走氣疼痛不仁不拘男

即愈 為末以袋一箇盛豆腐半袋入烏末在內再將豆

腐填滿壓乾入鍋中煮一夜其藥即堅如石取出

晒乾為末每服五分冷風濕氣以生薑湯

下麻木不仁以葱白湯下之活人心統風濕痺

木黑神丸草烏頭連皮生研五靈脂等分為末六

月六日滴水丸彈子大四十歲以下分六服病

甚一丸作二丸薄荷湯化風濕走痛黑弩前丸用

下覺微麻為度本方歸三錢為末醋糊丸梧子

脂各一兩乳香沒藥當歸三錢為末醋糊丸梧子

大每服十丸至三十九臨臥溫酒下忌油膩濕麩

孕婦勿服腰脚冷痛烏頭三筒去皮臍研末醋

方膝風作痛及安護膝內能除風濕健步扶壽

方遠行脚腫如草鞋以水微濕搽之可用行千

里甚妙脚氣掣痛或勝間有核生草烏頭大黃木

又法草烏一味為末以薑汁煎茶調貼之○

或酒糟同搗貼之永類方濕滯足腫早輕晚重

一兩以生薑一兩同研交感一宿蒼末一兩以葱

白一兩同研交感一宿各焙乾為末酒糊丸梧子

大每服五十九酒下除風去濕治痺胃虛弱久積

艾元英如宜方草烏頭一斤蒼末二斤以去白陳皮半斤生甘草

四兩黑豆三升水一石同煮乾只揀烏木晒焙為

末酒糊丸梧子大焙乾收之每空心溫酒下二偏

三十九覺麻即漸減之名烏木丸集簡方

正頭風草烏頭四兩川芎薊四兩蒼末半斤生薑

埋土中春夏三秋五冬七日取出晒乾揀去葱

薑為末醋麩糊和丸梧子大每服九丸臨臥溫酒

下立効戴久患頭風草烏頭尖生用一分赤小

古渝經驗方末每服半錢薄荷湯冷服風痰頭痛

更隨左右啗鼻指前方風痰頭痛聚痰飲上厥

頭痛或偏或正草烏頭炮去皮尖半兩川烏頭生

去皮尖一兩藿香乳香三皂子大為末每服二錢

本草綱目卷之七

薄荷薑湯下食後
服陳言三因湯
隨左右調塗太陽及額上
勿過眼避風
濟生方
腦洩臭穢
草烏去皮半兩
蒼朮一兩

川芎二兩並生研末麩糊丸綠豆大每
服十九茶下忌一切熱物
聖濟總錄
耳鳴耳癢

如流水及風聲不治成聾用生烏頭掘得乘濕削
如棗核大塞之日易二次不三日愈
千金方

喉痺口噤
不開欲死草烏頭皂莢等分
為末入麝香少許擦牙并噴鼻內牙關自開也
○

濟生方用草烏尖石膽等分
為末每用一錢醋煮
皂莢汁調稀掃入腫上流涎數次其毒即破也

虛壅口瘡
滿口連舌者草烏一箇南星一箇生薑
或以草烏頭吳茱萸等分
為末入麝香等分
為末貼之

瘡蝕口鼻
穿透者草
烏頭燒灰
入麝香等分
為末貼之

風蟲牙痛
草烏炒黑一兩細辛一錢
為末指之吐出涎○一方

寒氣心痛
三十年者射罔食
英所秘之方
范汪東陽方
寒瘧積瘧
巴豆一

子大每酒下二丸日三服
劉國
寒瘧積瘧
巴豆一

皮針罔去皮如巴豆大棗去皮一枚搗成丸梧
子大清旦先發時每服一大棗去皮一枚搗成丸梧

脾寒厥瘧
先寒後熱名寒瘧但寒不熱面色黑者
者並宜服此賈耘老用之二二十年累試有効不蛀

草烏頭削去皮沸湯泡二七度以蓋蓋良久切焙
研稀糊丸梧子大每服三十九度以蓋蓋良久切焙

三根煎湯清早服以棗壓之
如人行十里許再一
服絕勿飲湯便不發
腹中癥結
害妨飲食羸瘦射

也蘇東坡良方
腹中癥結
害妨飲食羸瘦射

搗末雞子白和丸麻子大每服一
水泄寒痢
大草

左漸至三九以愈為度
肘後方
水泄寒痢
大草

兩以一半生研一半燒灰醋糊和丸綠豆大每
服七九并華水下忌生冷魚肉
十便良方

服七九并華水下忌生冷魚肉
十便良方

本草綱目卷十七下

痢注下

三神丸治清濁不分泄瀉注下或赤或白

尖以一箇

腹臍刺痛裏急後重用草烏頭三箇去皮

絲豆大每服二十丸

水瀉流水一箇燒灰為末醋糊丸

白痢薑湯下忌魚腥

結陰下血腹痛草烏頭蛤粉

生冷和劑局方

煎香炒三兩每用三錢水一盞入鹽少許

煎入分去滓露一夜五更冷服

聖濟錄老人遺

尿炒為末酒糊丸綠豆大每服二十丸

去皮同鹽

普濟內痔不出

草烏頭七箇川烏頭三箇杏仁九箇飛

疥毒初起

羅麩一兩為末無根水調搽留口以紙

蓋之乾則以水潤

疥毒惡腫生烏頭切片醋熬成

又方兩頭尖一兩

普濟方疥瘡發背草烏頭去

搗貼疥自拔山

皮為末用

葱白連鬚和搗丸

豌豆大以雄黃為衣每服一丸

先用葱一根細嚼

以熱酒送下或有惡心嘔三四

汗出為度亦治頭風

乾神秘製惡毒諸瘡

背疥瘡便毒等證

二鳥膏用草烏頭川烏頭干尾

亦可單用草烏磨

大風癬瘡遍身黑色肌體麻木

斤刮洗去皮極淨

乾以清油四兩並藥再炒令

銚內炒令深黃色

傾出刺油只留鹽并藥再炒令

黑烟出為度取一枚

擘破心內如米一點白者始

好自多再炒乘熱

作羅為末醋麩糊丸梧子大每

服三十丸空心溫酒下

草烏性毒難制五七遍身

日間以黑豆煮粥食解其毒

生瘡陰囊兩脚尤甚者草烏一兩

切搗醋糊丸綠豆大每服三

一切諸瘡烏頭為末

十九空心鹽湯下

澹寮方

人輕粉少許臘猪油和搽普濟方瘰癧初作未破作寒熱草烏頭

木醋磨細入搗爛葱頭蚯蚓糞少許調勻傳上以紙條貼今通氣孔妙醫林正宗馬汗入

瘡腫痛急療之遲則毒深以生烏頭末傳瘡口良久有黃水出即愈靈苑方蛇蝎螫

人射罔傳之類易血射罔傳之類易血中沙虱毒射罔傳之類易血射罔傳之類易血

白附子別錄下品

釋名見後發

集解別錄曰白附子生蜀郡三月采弘景曰此物久絕無復真者恭曰本出高麗今出涼州以西蜀郡不復有生砂磧下湿地獨莖似鼠尾草細葉周匝生於穗間根形似天雄珣曰徐表南州異物記云生東海新羅國及遼東苗與附子相似時珍根正如草烏頭之小者長寸許乾者皺文有節

氣味辛甘大溫有小毒保昇曰甘辛溫大明曰無毒珣曰小毒入藥炮用是

主治心痛血痺面上百病行藥勢別錄中藥勢上行

風失音一切冷風氣面疔癩疔大明諸風冷氣足弱

無力疥癬風瘡陰下濕癢頭面痕入面脂用李補

肝風虛好風痰震亨

發明時珍曰白附子乃陽明經藥因與附子相似故得此名實非附子類也按楚國先賢傳云孔休傷頰有癩王莽賜玉屑白附子香與之消癩

附方新十中風口喎半身不遂牽正散用白附子白薑蠶全蝎並等分生研為末每服二錢熱酒調

小兒暑風暑毒入心痰塞心孔昏迷搖榻此乃

楊氏家藏方

卷十七下

十一

十一

十一

危急之證非此丸生料膜眩之劑不能伐之三

九用白附子天南星半夏並去皮等分生研豬膽

汁和丸黍米大量兒大小以薄荷湯下風痰眩運

令兒側臥嘔出痰水即甦全幼心盤一錢為末粟米

頭痛氣鬱胸膈不利白附子炮去皮臍半斤石膏

煨紅半斤硃砂二兩二錢半龍腦一錢為末粟米

飯丸小豆大每服三十九食偏正頭風

後茶酒任下御藥院方痰厥頭痛

角去皮等分末食後茶清痰厥頭痛

服仰臥少頃普濟本事方痰厥頭痛

等分生研為末生薑自然汁浸蒸餅丸綠赤白汗

豆大每服四十九食後薑湯下濟生方赤白汗

斑白附子硫磺等分末薑汁調面上疔贈

未臥時漿水洗面以白蜜和塗紙耳出膿水

上貼之久久自落衛生易簡方耳出膿水

羌活一兩為末豬羊腎各一箇每箇入末半

錢濕紙包煨熟五更食溫酒下聖濟錄

喉痺

腫痛

白附子末枯礬等分研末塗

箇為末津調填臍上以艾灸三小兒吐逆

壯或五壯即愈楊起簡便方慢痺驚風

白附子藿香等分末每米慢痺驚風

飲下半錢保幼大全方慢痺驚風

半兩黑附子一錢並炮去皮為末每服二錢生薑

五片水煎服亦治大人風虛吐衄化痰宣和間真

州李博士用治吳內翰女孫甚効康州陳侍郎病

風虛極昏吳內翰令服三四服即愈楊氏家藏

虎掌

本經天南星

釋名虎膏

南星即本草虎掌也小者名由跋古方多用虎掌

不言天南星南星近出唐人中風痰毒方中用之

乃後人採用別立此名爾時珍曰虎掌因葉形似

之非根也南星因根圓白形如老人星狀故名南

星

星

星

星即虎掌也蘇恭說甚明白宋開寶不當重出南星條今併入

集解 別錄曰虎掌生漢中山谷及寬旬二月八月

四邊有子如虎掌今用多破作三四片方藥不甚

用也恭曰此是由跋宿根其苗一莖莖頭一葉枝

了扶莖根大者如拳小者如雞卵都似楠楠四畔

有圓牙看如虎掌由跋是根大如半夏二三倍

四畔無子牙陶說似半夏乃由跋也保昇曰莖頭

有八九葉花生莖間藏器曰天南星生安東山谷

葉如荷獨莖用根頌曰虎掌今河北州郡有之初

生根如豆大漸長大似半夏而扁年久者根圓及

寸大者如雞卵周匝生圓牙三四枚或五六枚三

四月生苗高尺餘獨莖上有葉如瓜五六出分布

尖而圓一葉生七八莖時出一莖作穗直上如鼠

尾中生一葉如匙裹莖作房旁開一口上下尖中

有花微青褐色結實如麻子大熟即白色自落布

地一子生一葉九月苗殘取根今冀州人菜園中

種之呼為天南星又曰天南星處處平澤有之二

月牛苗似荷梗其莖高一尺以來葉如蒟蒻兩枝

相抱五月開花似蛇頭黃色七月結子作穗似石

榴子紅色二月八月采根似芋而圓扁與蒟蒻根

類人多誤采了不可辨但蒟蒻莖斑花紫南星根

小柔膩肌細炮之易裂為可辨爾南星即本經虎

掌也大者四邊皆有牙子采時削去之江州一種

草葉大如掌面青背紫四畔有牙如虎掌生二四

葉為一本冬青不結花實治心疼痛寒熱積氣亦與

虎掌同名故附見之時珍曰大者為虎掌南星小

修治

頌曰九月采虎掌根去皮臍入器中湯浸五

裂用時珍曰凡天南星須用一兩以上者佳治風

痰有生用者須以溫湯洗淨仍白礬湯或入皂

角汁浸三日夜日換水暴乾用若熟用者須於

黃土地掘一小坑深五六寸以炭火燒赤以好酒

灌之

者為鬼曰小者為南星殊為謬誤

者為由跋乃一種也今俗又言大

者為由跋乃一種也今俗又言大

沃之安南星於內瓦盆覆定灰泥固濟一夜取出
用急用即以濕紙包於糖灰火中炮裂也一法治
風熱痰以酒浸一宿桑柴火蒸之常酒酒入甌內
令氣猛一伏時取出竹刀切開味不麻舌為熟未
熟再蒸至不麻乃止脾虛多痰則以生薑渣和黃
泥包南星煨熟去泥焙用造南星麴法以薑汁礬
湯和南星末作小餅子安藍內楮葉包蓋待上黃
衣乃取晒收之造胆星法以南星生研末臘月取
黃牯牛胆汁和劑納入胆中
繫懸風處乾之年久者爾佳

氣味苦温有大毒別錄曰微寒普曰虎掌神農雷

明曰辛烈平果曰苦辛有毒峻伯桐君辛有毒天
乃肺經之本藥震亨曰欲其下行以黃蘗引之之
才曰蜀漆為之使惡莽草大明曰畏附子乾薑生
薑時珍曰得防風則不麻得牛胆則不燥得火炮
則不毒生能伏
主治心痛寒熱結氣積聚伏梁傷
雄黃丹砂煇消

筋痿拘緩利水道經本除陰下濕風眩別錄主疝瘕腸

痛傷寒時疾強陰權野天南星主中風麻痺除痰下

氣利胃膈攻堅積消癰腫散血墮胎開實金瘡折傷

瘀血痔傳之藏器蛇蟲咬疥癬惡瘡大明去上焦痰及

眩運元素主破傷風口噤身強李杲補肝風虛治痰功

同半夏好古治破癰口眼喎斜喉痺口舌瘡糜結核

解顛時珍

發明時珍曰虎掌天南星乃手足太陰脾肺之藥
味辛而麻故能治風散血氣温而燥故能勝
濕除涎性緊而毒故能攻積拔腫而治口喎舌糜
楊士瀛直指方云諸風口噤宜用南星更以人參

本草綱目卷之十一 下 十五

佐之

附方

二十新

中風口噤

目瞶無門下藥者開關散

等分

五月五日

午時合之

用天南星為末入白龍腦

二十遍

指大牙

左右其口

自開又名破棺散

驗方

諸風口噤

天南星炮

到大人三錢小兒三字生

膽汁少許

溫服

小兒口噤

牙關不開天南星一枚

仁齋直指

方

小兒口噤

煨熟紙裹斜包剪一小

孔透氣

于口中

牙關自開也

一

小兒驚風

散用

方用生南星

同薑汁

擦之自開

也

小兒驚風

散用

天南星一兩

重一箇

換酒浸

七伏時

取出

安新瓦

上週迴

炭火炙裂

合濕地

出火毒

為末入

硃砂一

分每服半錢

荆芥湯

調下每

日

吐瀉慢驚

治小兒

吐瀉或誤服

冷藥脾虛

生風痰慢驚

天南星一箇

重八九錢者

去臍黃土坑深

入好酒半盞

安南星在內

仍架炭三條

在上候發

裂取到再炒

熟為末用五錢

藥煎湯調下

亦治久嗽

惡心

錢乙小兒方

風癩

風癩

痰迷

九梧子大

每服二九

蒸九晒為末

薑汁麵糊

調下

門冬湯亦可

小兒癩瘡

濕紙色

煨為末雄

豬膽汁

調下

調服二字

治癩利痰

天南星煨

香一兩

硃砂一

錢

全幼心鑑

治癩利痰

錢為末

猪心血

九悟子大

錢

每防風湯化

下

口眼喎斜

天南星生

研末自然

薑

一丸

普濟方

口眼喎斜

汁調之

左貼右

貼左

存方

角弓反張

南星半夏

等分

為末薑

汁竹瀝

傷中風

胡氏奪命

散又名玉

真散治打

撲金刃

傷

星防風等分

為末水調

敷瘡出水

為妙仍

以溫酒

調服一錢

已死心尚

溫者熱童

便調灌二

錢

調服

一錢

錢

已死心尚

溫者熱童

便調灌二

錢

調服

錢

已死心尚

溫者熱童

便調灌二

錢

調服

內傷墜壓者酒和童便連灌三破傷風瘡末水調

全瘡四圍水出婦人頭風掘地坑燒赤安藥於中

以醋一盞沃之蓋定勿令透氣候冷研末風痰頭

痛不可忍天南星一兩荊芥葉一兩為末薑汁糊

用天南星茴香等分生研末醋煮麵風痰頭運

糊丸如法服並出經効濟世方風痰頭運

夏各一兩天麻半兩白麵三兩為末水丸梧子大

每服三十九以水先煎沸入藥煮五七沸腦風流

涕邪風入腦鼻內結硬遂流髓涕大白南星切片

同煎服三四服其硬物自出腦氣流轉髓涕自收

以大蒜草芫末作餅隔紗貼額前熨斗熨之或以

香附草芫末頻吹小兒風痰熱毒壅滯涼心壓驚

鼻中直指方一兩入金錢薄荷十片丹砂一錢半龍腦麝香各

一字研末煉蜜丸茨子大每服一丸竹葉湯化下

心鑑全幼壯人風痰及中風中氣初起星香飲用南

服十四片煎六分溫痰迷心竅壽星丸治心膽被驚

驚恍惚健忘妄言妄見天南星一斤先掘土坑一

尺以炭火三十斤燒赤入酒五升滲乾乃安南星

在內盆覆定以灰塞之勿令走氣次日取出為末

琥珀一兩硃砂二兩為末生薑汁打麵糊丸梧子

大每服三十丸至五十丸煎人參石風痰注痛見方

菖蒲湯下一日三服和劑局方風痰注痛見方

羊躑躅痰濕臂痛右邊者南星制蒼朮等分生風痰

欬嗽大天南星一枚炮製研末每服一錢水一盞

薑三片煎五分溫服每日早晚各一服

千金氣痰欬嗽 玉粉丸南星效半夏麴陳橘皮各

博濟子大每服四十九薑湯下寒痰去清氣化痰三仙

橘皮加官桂東垣蘭室秘藏 清氣化痰丸治

中脘氣滯痰涎煩悶頭目不清生南星去皮半夏

各五錢並湯泡七次為末自然薑汁和作餅鋪竹

篩內以楮葉包覆待生黃成麴晒乾每用二兩入

香附末一兩糊丸梧子大每服四十丸食後薑湯

下王璆溫中散滯消導飲食天南星炮高良薑

薑汁糊丸梧子大每薑酒積酒毒服此即解天南

湯下五十九丸和劑方酒積酒毒服此即解天南

南星一斤土坑燒赤沃酒一斗入坑放南星盆覆

泥固濟一夜取出酒和水洗淨切片焙乾為末入

硃砂末一兩薑汁麴糊丸梧子大每服五十九薑

湯下蔡丞相呂丞相嘗用有驗楊氏家藏丸

吐泄不止四肢厥逆虛風不省人事服此則陽回

三枚水二鍾煎八分溫服未省面服腸風瀉血

又方醋調南星末貼足心普濟方

諸藥不効天南星石灰炒焦黃色為末酒吐血不

糊丸梧子大每酒下二十九以爐灰汁浸一宿洗焙

止天南星一兩到如豆大以磨酒調下勝金方

初生貼額頭熱鼻塞者天南星炮為末水調小兒

解顛顛開不合鼻塞不通天南星炮去皮為末淡

乙小兒解顛脫臼不能收上一夜即上醫說小

直訣白解顛脫臼不能收上一夜即上醫說小

兒口瘡白屑如鵝口不須服藥以生天南星去皮

集効走馬疳蝕透骨穿腮生南星一箇當心剉空

以蓋子合定出火毒去麴為末入麴風蟲牙痛星

香少許佛瘡數日甚効經方

未至綱目卷之十一

下

十八

本草綱目卷之七

未塞孔以霜梅會喉風喉痺天南星一箇剉心入

熟研末薑汁調服一錢甚者准痰癧結核南星膏

之吐涎愈各如聖散博濟方

肌頭面土生瘡及結核大者如拳小者如粟或軟

或硬不疼不癢宜用此藥不可輒用針灸生天南

星大者一枚研爛滴好醋五七點如無生者以乾

者為末醋調先用針刺令氣透乃貼之覺癢則頻

貼取効嚴身面疣子醋調南星末塗

子禮濟生方簡易方

由跋本經

釋名

集解恭曰由跋是虎掌新根大于半夏一二倍四

生林下苗高一尺似蒟蒻根如雞卵保昇曰春抽

一莖莖端有八九葉根圓扁而肉白時珍曰此即

天南星之小者其氣未足不堪服食故醫方罕用

惟重八九錢至一兩餘者氣足乃佳正如附子之

側子不如附子之義也

正誤弘景曰由跋本出始興今人亦種之狀如烏

効恭曰陶氏所說乃鳶尾根即鳶頭也又言虎掌

似半夏是以鳶尾為由跋以由跋為半夏非惟不

識半夏亦不識鳶尾與由跋也今南人猶以由跋

為半夏時珍曰陳延之小品方亦以東海鳶頭為

由跋則其訛誤久矣

氣味辛苦溫有毒主治毒腫結熱本經

蒟蒻宋開寶

釋名蒟頭開寶鬼芋圖鬼頭

集解

志曰：蕪頭出吳蜀，葉似由跋，半夏根大如碗，生陰地，雨滴葉下，生子又有斑，枝首相似，至

秋有花，直出生赤子，根如蕪頭，毒猛不堪食，虎杖亦名斑杖，與此不同。頌曰：江南吳中出白蕪，亦曰鬼芋，生平澤極多人采，以為天南星了，不可辨。市中所收，往往是此，但南星肌細膩，而蕪莖斑花紫，南星莖無斑，花黃為異。爾時珍曰：蕪莖出蜀中，施州亦有之，呼為鬼頭，閩中人亦種之，宜樹陰下，掘坑積糞，春時生苗，至五月移之，長一二尺，與南星苗相似，但多斑點，宿根亦自生，苗其滴露之說，蓋不然。經二年者，根大如碗，及芋魁，其外理白，味亦麻，人秋後采，根須淨，擦或搗，或片，段以臘灰汁，煮十餘沸，以水淘洗，換水更煮五六遍，即成凍子，切片以苦酒五味淹食，不以灰汁，則不成也。切作細絲，沸湯灼過，五味調食，狀如水母，絲馬志言其苗似半夏，楊慎用鉛錄言：蕪醬即此者，皆誤也。玉禎農書云：救荒之法，山有粉葛，蕪、橡、栗之類，則此物亦有益于民者也。其斑杖即天南星之類。

有斑者

根氣味辛寒有毒

李延飛曰：性冷甚，不益人冷氣，人少食之，生則戟人喉，出血。

主治：癰腫、風毒、摩傳腫、上搗碎、以灰汁煮成餅、五

味調食、主消渴

寶開

發明

機曰：按三元延壽書云：有人患瘵，百物不思，見隣家修葺，蕪求食之美，遂多食而瘵愈。又

有病，臆癰者，數人多食之，亦皆愈。

附錄：菩薩草

宋圖經：頌曰：生江浙州郡，凌冬不凋，秋冬有花，直出赤子，如蕪頭，冬月采

根用，味苦無毒，主中諸毒，食毒酒，研服之，又諸虫傷，搗汁飲，并傳之，婦人妊娠，欬搗篩，蜜丸服，効

半夏

本經下品

本草綱目卷下

卷二十七下

二十

釋名守田

本經水玉 別錄和姑 本經時珍曰禮記月令五月半

夏生蓋當夏之半也故名守田會意水玉因形

集解

別錄曰半夏生槐里川谷五月八日采根暴乾普曰生微丘或生野中二月始生葉三三

相偶白花圓上弘景曰槐里屬扶風今第一出青州吳中亦有以肉白者為佳不厭陳久恭曰所在

皆有生平澤中者名羊眼半夏圓白為勝然江南者大乃徑寸南人特重之項來互用功狀殊異其

苗似是由跋誤以為半夏也頌曰在處有之以齊州者為佳二月生苗一莖莖端三葉淺綠色頗似

竹葉而生江南者似芍藥葉根下相重上大下小皮黃肉白五月八月采根以灰裹二日湯洗暴乾

蜀圖經云五月采則虛小八月采乃實大其平澤生者甚小名羊眼半夏由跋絕類半夏而苗不同

敗曰白傍藥子真似半夏只是咬着微酸不入藥片

修治

弘景曰凡用以湯洗十許過今滑肅不爾有制其毒故也數曰修事半夏四兩用白芥子末二兩

兩醋醋二兩攪濁將半夏投中洗三遍用之若洗涎不盡令人氣逆肝氣怒滿時珍曰全治半夏惟

洗去皮垢以湯泡浸七日逐日換湯脹乾切片薑汁拌焙入藥或研為末以薑汁入湯浸澄三日瀝

去涎水晒乾用謂之半夏粉或研末以薑汁和作餅子日乾用謂之半夏餅或研末以薑汁白礬湯

和作餅楮葉包置籃中待生黃衣日乾用謂之半夏麩白飛霞醫通云痰分之病半夏為主造而為

越尤佳治濕痰以薑汁白礬湯和之治風痰以薑汁及皂莢煮汁和之治火痰以薑汁竹瀝或荆瀝

和之治寒痰以薑汁礬湯入白芥子末和之此皆造麩妙法也

根氣味辛平有毒

別錄曰生微寒熱溫生令人吐熱令人下湯洗盡滑用元素曰

未辛苦性溫氣味俱薄沉而降陰中陽也好古曰
辛厚苦輕陽中陰也入手陽明太陰少陰三經之
才曰射于為之使惡皂莢畏雄黃生薑乾薑秦皮
龜甲反烏頭權曰柴胡為之使忌羊血海藻饴糖
元素曰熱痰佐以黃芩風痰佐以南星寒痰佐以
乾薑痰痞佐以陳皮白朮多用則瀉脾胃諸血證
及口渴者禁用為其燥津液主治傷寒寒熱心下
也孕婦忌之用生薑則無害

堅胸脹欬逆頭眩咽喉腫痛腸鳴下氣止汗本消

心腹胸膈痰熱滿結欬嗽上氣心下急痛堅痞時

氣嘔逆消癰腫療痿黃悅澤面目墮胎別消痰下

肺氣開胃健脾止嘔吐去胸中痰滿生者摩癰腫

除瘤瘦氣權治吐食反胃霍亂轉筋腸腹冷痰瘧

大治寒痰及形寒飲冷傷肺而欬消胸中痞膈上

痰除胸寒和胃氣燥脾濕治痰厥頭痛消腫散結

元治者稜骨痛震補肝風虛好除腹脹日不得瞑

白濁夢遺帶下時珍

發明權曰半夏使也虛而有痰氣宜加用之頌曰

潤也半夏之辛以散逆氣結氣除煩嘔發音聲行
水氣而潤腎燥好古曰經云腎主五液化為五濕
自入為唾入肝為泣入心為汗入脾為痰入肺為
涕有痰曰嗽無痰曰欬痰者因欬而動脾之濕也
半夏能泄痰之標不能泄痰之本泄本者泄腎也
欬無形痰有形無形則潤有則燥所以為流濕
潤燥也俗以半夏為肺藥非也止嘔吐為足陽明
除痰為足太陰柴胡為之使故今柴胡湯中用之

雖為止嘔亦助柴胡黃芩主往來寒熱是又為足
少陽陽明也宗奭曰今人惟知半夏去痰不言益
脾蓋能分水故也脾惡濕濕則濡困困則不能治
水經云水勝則瀉一男子夜數如廁或教以生薑
一兩半夏大棗各三十枚水一升菴瓶中慢火燒
為熟水時呷之便已也趙繼宗曰丹溪言二陳湯
治一身之痰世醫執之凡有痰者皆用夫二陳內
有半夏其性燥烈若風痰寒痰濕痰食痰則相宜
至于勞痰失血諸痰用之反能燥血液而加病不
可不知機曰俗以半夏性燥有毒多以貝母代之
貝母乃太陰脾經之藥半夏乃太陰脾經陽明胃
經之藥何可代也夫咳嗽吐痰虛勞吐血或痰中
見血諸鬱咽痛喉痺肺癆肺疾瘰癧疔婦人乳難此
皆貝母為向導半夏乃禁用之藥若涎者脾之液
美味膏梁炙煇皆能生脾胃濕熱故涎化為痰久
則痰火上攻令人昏憤口禁偏廢僵仆蹇澹不語
生死且夕自非半夏南星豈可治乎若以貝母代
之則翹首待斃矣特珍曰脾無留濕不生痰故脾

為生痰之源肺為貯痰之器半夏能吐痰飲及腹
脹者為其體滑而味辛性溫也涎滑能潤辛溫能
散亦能潤故行濕而通大便利竅而泄小便所謂
辛走氣能化痰液辛以潤之是矣絮古張氏云半夏
南星治其痰而欬嗽自愈丹溪朱氏云二陳湯能
使大便潤而小便長聊攝成氏云半夏辛而散行
水氣而潤腎燥又和劑局方用半硫丸治老人虛
秘皆取其滑潤也世俗皆以南星半夏為性燥誤
矣濕去則土燥痰涎不生非二物之性燥也古方
治咽痛喉痺吐血下血多用二物非禁劑也二物
亦能散血故破傷打撲皆主之惟陰虛勞損則非
濕熱之邪而用利竅行濕之藥是乃重竭其精液
醫之罪也豈藥之咎哉甲乙經用治夜不眠是果
性燥者乎岐伯云衛氣行于陽陽氣滿不得入干
陰陰氣虛故日不得瞑治法飲以半夏湯一劑陰
陽既通其臥立至方用流木千里者入升揚之萬
遍取清五升煮之炊以葦薪大沸入秫米一升半
夏五合煮一升半飲汁一盃日三以知為度病新

發者覆盃則臥汗出
則已又者三飲而已

附方

舊十五新

法制半夏

清痰化飲壯脾順氣用
大半夏湯洗七次焙乾

再洗如此七轉以濃米泔浸一日夜每一兩用白
礬一兩半溫水化浸五日焙乾以鉛白霜一錢溫

水化又浸七日以漿水慢火內煮沸焙乾收
之每嚼一二粒薑湯送化下御藥院方

夏法

消風熱清痰涎降氣利咽大半夏湯浸焙制
如指厚以炒豆焙之候乾取出每嚼一兩粒溫

先鋪燈草一重約一指厚排半夏于上再以燈草
蓋一指厚以炒豆焙之候乾取出每嚼一兩粒溫

水送下。御藥院方。化痰鎮心。祛風利膈辰砂半夏丸用半
以水浸三日生絹濾去滓澄清去水晒乾一兩入

辰砂一錢薑汁打糊丸梧子大每薑湯下七十九
此周府方化痰利氣。三仙九方。消痰開胃。去胸膈
也。神珍方。化痰利氣。見虎掌下。

門方用半夏湯泡焙乾為末自然薑汁和作餅濕
紙裏煨香以熱水二盞同餅二錢入塩五分煎一

盞服之太屢痰毒及酒食傷極驗。○經驗用半夏
天南星各二兩為末水五升入壘內浸一宿去清

水焙乾重研每服二錢。中焦痰涎。利咽清頭目進
水二盞薑三片煎服。飲食半夏泡七

次四兩枯礬一兩為末薑汁打糊或煮棗肉和左
梧子大每薑湯下十五丸寒痰加丁香五錢熱痰

加寒水石煨四兩名。老人風痰。大膈熱不識人及
玉液丸。和刺局方。肺熱痰實不利半

夏炮七次焙消石半兩為末入白麵搗勻。膈壅風
水和丸綠豆大每薑湯下五十九。普濟

痰。半夏半斤酸漿浸一宿溫湯洗五十遍去惡氣
日乾為末漿水搜作餅日乾再研為末每五兩

入生龍腦一錢以漿水濃脚和丸雞頭子大紗袋
盛避風處陰乾每服一丸好茶或薄荷湯嚼下

御藥。搜風化痰。定志安神利頭目辰砂化痰丸用
院方。半夏麴三兩天南星炮一兩辰砂

本堂圖一宜下。卷一七下。三三

枯礬各半兩為末薑汁打糊丸梧子大每服三十丸食後薑湯送下

風省風湯用半兩夏湯泡入兩甘草炙二兩防風四兩每服半兩薑二十片水二盞煎服奇効方

風痰頭運 嘔逆目眩面色青黃脈弦者水煎金花兩用生半夏生天南星寒水石煨各一

餅水煮麻半兩雄黃二錢小麥麵三兩為末木和成下極効亦治風痰咳嗽二便不通

風痰頭痛 紫古活法機要方 風痰濕痰 青壺夏一斤天南星半兩各湯炮曬乾為末薑汁和作餅焙乾入神翅半兩白木末二兩枳實末二兩薑汁麵糊丸梧子大每服五

十丸薑湯下葉氏方 風痰喘逆 兀兀欲吐眩一兩雄黃三錢為末薑汁浸蒸餅丸梧子大每服三十丸薑湯下凡吐者加檳榔活法機要

痰喘急 各一寸薑二片水一盞煎七分溫服和

劑局 上焦熱痰 欬嗽制過半夏一兩片黃芩末二

丸淡薑湯食後服此周憲 肺熱痰嗽 制半夏梧樓末薑汁打糊丸梧子大每服二三

白湯下或以栝樓瓢煑熟丸 濟生方 熱痰欬嗽 煩熱面赤口燥心痛脈洪數者小黃丸用半夏天

南星各一兩黃芩一兩半為末薑汁浸蒸餅丸梧子大每服五七丸食後

薑湯下 紫古活法機要 小兒痰熱 欬嗽驚悸半為末牛膽汁和入膽內懸風處待乾蒸餅

為末牛膽汁和入膽內懸風處待乾蒸餅 濕痰欬嗽 面黃體重嗜臥驚兼食不消脈緩者白朮丸用

子大每服五七丸 氣痰欬嗽 面白氣促洒浙惡 薑湯下 活法機要

者玉粉丸用半夏南星各一兩薑湯下 活法機要 小

糊丸梧子大每服五十丸薑湯下 活法機要

活法機要

活法機要

活法機要

活法機要

活法機要

活法機要

活法機要

活法機要

活法機要

結胸痛 正在心下按之則痛脈浮滑者小陷胸湯

主之半夏升黃連一兩栝樓實大者一

箇水六升先煮栝樓至三升去滓內二

味煮取二分三服仲景傷寒論

喘急者半夏油炒為末粥糊丸綠豆

大每服二十丸薑湯下丹溪心法

急傷寒病 夏半

四錢生薑七片酒一盞煎

服胡洽居士百病方一字草烏頭半字為末薑汁

粉丸半夏兩桂心一字夜臥含嚥活法機

浸蒸餅丸茨子大每服一丸

停痰冷飲 嘔逆橘皮各一兩每夏湯用半夏水煮熱陳

要二盞煎一盞溫

服和劑局方

停痰留飲 胸膈滿悶氣短惡心飲

半夏湯用半夏泡五分茯苓三兩每服四錢薑支

七片水一鍾半煎七分其捷徑和劑局方

飲作嘔 嘔家本渴不嘔者心下有支飲也或似喘

不喘似嘔不嘔似噦不噦心下憤憤並宜

小半夏湯用半夏泡七次一升生薑半升水

七升煮一升五分服張仲景金匱要畧

噦逆 嘔噦眩悸不

欲死之即上方也

得下半夏加茯苓湯半夏一分生薑半斤茯苓三

兩切以水七升煎一升半分溫服之

目不得眠見發心下悸忪等分為末蜜丸半夏麻黃

每服三十丸日傷寒乾嘔服半夏熟洗研末生薑湯

三金匱要畧

嘔逆厥逆 內有寒痰半夏一升洗滑焙研小麥麵

日三服稍增此至十五枚旋煮旋吞覺病減再作嘔

忌羊肉錫糖此乃許仁則方也外臺秘要

吐反胃 大半夏湯半夏三升人參三兩白蜜一升

升半溫服一升日再服亦

治膈間支飲金匱要畧

胃寒噦逆 停痰留飲藿

香半夏湯用

半夏湯泡炒黃二兩藿香葉一兩丁香半兩小兒

吐瀉 脾胃虛寒齊州半夏煎七分溫服陳粟米各一錢

小兒痰吐 或風壅所致或飲發熱飲食即吐半

和包丁香香用麩重包煨熟去麩為末生薑自然汁

議 妊娠嘔吐 半夏二兩人參乾薑各一兩為末薑

服 仲景 霍亂腹脹 服方寸七分每服二九薑湯下

脹 不瘥加之或以火炮研末薑汁調貼臍亦佳

秘錄 黃疸喘滿 小便自利不可除熱半夏生薑各

少許入口遂活 張仲景方 伏暑引飲 消暑丸用

半夏醋煮一斤茯苓半斤甘草半斤為末薑汁

老人虛秘 硫磺等分為末自然薑汁炙糊丸如梧

子大每空和劑局方 失血喘急 吐血下血崩中帶

五十九 宿疾用半夏棗偏以薑汁和麩包煨黃研末米

糊丸梧子大每服三十九白湯下 直指方 白

濁夢遺 炒黃一兩洗十次切破以木猪苓二兩同

山藥糊丸梧子大每服三十九茯苓湯送下腎氣

閉而一身精氣無所管攝妄行而遺者宏用此方

蓋半夏有利性猪苓導水使腎氣通也 八般頭風

與下元虛憊者不同 許學士本事方 紙燃燒烟就

三次見効半夏末入百草霜少許作紙燃燒烟就

鼻內噴之口中含水有涎吐去再含 衛生寶鑑

少陰咽痛 生瘡不能言語聲不出者苦酒湯主之

半夏七枚打碎雞子一枚頭開一竅去

黃納苦酒令小滿入半夏在內以銀子坐于炭火上煎三沸去滓置盃中時時嚙之極驗未瘥更作

○仲景喉痺腫塞生半夏末嚙鼻內骨哽在咽夏

白芷等分為末水服方寸七重舌木舌脹大塞口

當垂出忌羊肉外臺秘要重舌木舌半煎醋

含漱之○又方半夏二十枚水煮過再炮片時小

乘熱以酒一升浸之密封良久熱漱冷吐之

兒顛陷乃冷也水調半而上黑氣調敷不可見風

不計過數從早至晚如此三日皂

角湯洗下面塗如王也摘玄方癩風者落夏生半

屎燒焦等分為末自然盤腸生產產時子腸先出

薑汁日調塗聖濟錄盤腸生產產後不收者名

盤腸產以半夏末頻嚙鼻

中則上也婦人良方產後運絕和九大豆大

納鼻中即愈此偏小兒驚風生半夏一錢皂角半

鵲法也兩後方小兒驚風錢為末吹少許入鼻

名噫驚散即卒死不寐夫入紫靈魏元君方也

五絕急病一曰自縊二曰墻壓三曰溺水四曰魘

入鼻中心溫者一日癰疽發背及乳瘡半夏末雞

可活也子母秘錄癰疽發背子白調塗之

後次奶腫痛半夏一筒煨研酒服立愈一方以末

打撲瘀痕水調半夏末塗之遠行足跡方同

簡金刃不出人骨脈中者半夏白飲等分為末酒

李莖大飛蟲入耳生半夏末麻油調塗蝎蟻螫人

自經耳門外本專方蝎蟻螫人

半夏末水調塗之立蝎瘦五孔相通者半夏末水

惠咽喉骨哽半夏白芷等分為末水服方寸外臺秘要

莖涎主治煉取塗髮眉墮落者即生
雷數

蚤休本經下品

釋名 蚩休別錄 螯休日華 紫河車經圖 重臺唐本 重樓金線

唐本 三層草綱目 七葉一枝花蒙筌 草甘遂唐本 白甘遂時珍

目 虫蛇之毒得此治之即休故有蚤休螯休諸名
重臺三層因其葉狀也金線重樓因其花狀也甘
遂因其根狀也紫

河車因其功用也

集解 別錄曰蚤休生山陽川谷及兔旬恭曰今謂

一莖六七葉似玉孫鬼曰菹麻葦葉有二三層根
如肥大苜蓿細肌脆白保昇曰葉似鬼白牡蒙年

久者二三重根如紫參皮黃肉白五月采根日乾
大明曰根如尺二蜈蚣大如肥紫苜蓿頌曰即紫

河車也今河中河陽華鳳文州及江淮間亦有之
葉似王孫鬼曰等作二三層六月開黃紫花蕊赤
黃色上有金絲垂下秋結紅子根似肥苜蓿皮赤肉
白四月五月采之宗奭曰蚤休無旁枝止一莖挺
生高尺餘顛有四五葉葉有岐似苦杖中心又起
莖亦如是生葉惟根入藥用時珍曰重樓金線處
處有之生于深山陰濕之地一莖獨上莖當葉心
葉綠色似芍藥凡二三層每一層七葉莖頭夏月
開花一花七瓣有金絲蕊長三四寸王屋山產者
至五七層根如鬼曰蒼木狀外紫中白有粘糯二
種外丹家采制三黃砂承入藥洗切焙用俗諺云
七葉一枝花深山是我家瘡疔如遇者一似手拈
也

根氣味苦微寒有毒大明曰冷無毒伏雄 主治驚

癘搖頭弄舌熱氣在腹中本經 癩疾癰瘡除蝕下三

蟲去蛇毒別錄生食一升利水唐本治胎風手足搐能

吐泄療癰大去瘡疾寒熱時珍

發明恭曰摩醋傳癰腫蛇毒甚有效時珍曰紫河

腫者宜之而道家有服車足厥陰經藥也凡本經驚癇瘡疾癰癧

食法不知果有益否也

附方新服食法紫河車根以竹刀刮去皮切作段

瀉出凝冷入新布袋中懸風處待乾每服三九五

更初面東念呪井水下連進三服即能愈候若

飲食先以黑豆煎湯飲之次以藥丸煮粥漸漸

食之呪曰天朗氣清金雞鳴吾今服藥欲長生吾

今不飢復不渴賴小兒胎風手足搐搦用蚤休即

得神仙草有靈紫河車為末每服半

錢冷水下○慢驚發搐帶有陽證者白甘遂末即

衛生易簡方

同下慢火上炒焦黃研勻每服一字中鼠莽毒金

煎麝香薄荷湯調下錢乙小兒方

重樓根磨水服腫痛用重臺赤色者川

即愈集簡方咽喉穀賊大黃炒木鼈子仁馬牙

丸半兩半夏泡一分為末蜜

鬼曰本經校正併入圖經

釋名九曰本經天曰別錄鬼藥綱目解毒別錄爵犀本經馬目

毒公本經害母草綱目羞天花綱目木律草綱目瑠田草綱目

獨腳蓮上宿本草獨荷草土宿山荷葉綱目旱荷綱目八角盤

綱目唐婆鏡弘景曰鬼曰根如射干白而味甘九日

而曰如馬眼故名馬目毒公殺蠱解毒故有犀名

其葉如鏡如盤如荷而新苗生則舊苗死故有鏡

盤荷蓮害母諸名蘇東坡詩集云福田草俗號唐
婆鏡印本草鬼目也歲生一曰如黃精根而堅瘦
可以辟穀宋祁劔南方物贊云羞天花蜀地處處
有之依莖綴花殺葉自隱俗名羞天予改爲羞寒
花卽本草鬼目也贊云胃寒而茂莖修葉廣附莖
作花葉殺其上以其自殺若有羞狀○別有羞天
草與此不同
卽海芋也

集解

別錄曰鬼曰生九真山谷及宛句二月八月
采根弘景曰鬼曰生山谷中八月采陰乾似

射干木輩又似鉤吻有兩種出錢塘近道者味甘
上有叢毛最勝出會稽吳興者大而味苦無叢毛
力劣今馬月毒公狀如黃精根其曰處似馬眼而
柔潤今方家多用鬼目而少用毒公不知此那復
垂越如此恭曰鬼曰生深山巖石之陰葉如萹麻
重樓輩生一莖莖端一葉亦有兩岐者年長一莖
莖枯則爲一曰假令生來二十年則有二十日豈
惟九日耶根肉皮鬚並似射干今俗用多是射干

而江南別送一物非真者今荆州當陽縣硤州遠
安縣襄州荆山縣山中並貢之亦極難得頌曰今
江寧府滁舒商齊杭襄峽州荆門軍亦有之並如
蘇恭所說花生莖間赤色三月開後結實又一說
鬼曰生深山陰地葉六出或五出如鴈掌莖端一
葉如繖且時東向及暮則西傾蓋隨日出沒也花
紅紫如荔枝正在葉下常爲葉所蔽未常見日一
年生一莖既枯則生一曰及八九年則八九日矣
然一年一曰生而一曰腐蓋陳新相易也故俗名
害母草如芋魁烏頭輩亦然新苗生則舊苗死前
年之曰腐矣而本草注謂全似射干今射干體狀
雖相似然曰形淺薄與鬼曰大異鬼曰如八九箇
南星側此相疊而色理正如射干用者當使人求
苗采之市中不復有也時珍曰鬼曰根如天南星
相疊之狀故市人道謂小者爲南星大者爲鬼曰
殊爲謬誤按黃山谷集云唐婆鏡葉底開花俗名
羞天花卽鬼曰也歲生一曰滿十二歲則可爲藥
今方家乃以鬼燈檠爲鬼曰誤矣又鄭樵通志云

鬼曰葉如小荷形如鳥掌年長一莖莖枯則根為一曰亦名八角盤以其葉似之也據此二說則似是今人所謂獨脚蓮者也又名山荷葉獨荷草旱荷葉八角鏡南方處處深山陰密處有之北方惟龍門山王屋山有之一莖獨上莖生葉心而中空一莖七葉圓如初生小荷葉面青背紫採其葉作瓜李香開花在葉下亦有無花者其根全似蒼朮紫河車丹爐家采根制三黃砂汞或云其葉八角者更靈或云其根與紫河車一樣但以白色者為河車赤色者為鬼曰恐亦不然而唐辛玉冊謂蚤林陽草旱荷陰草亦有分別陶弘景以馬目毒公與鬼曰為二物殊不知正是一物而有二種也又唐獨孤滔丹房鏡源云木律草有二種根皆似南屋亦莖直上莖端生葉一種葉凡七瓣一種葉作數層葉似蓖麻面青背紫而有細毛葉下附莖盟一花狀如鈴鐸倒垂青白色黃蕊中空結黃子風吹不動無風自搖可制砂汞按此即鬼曰之二種也其說形狀甚明

根氣味辛溫有毒別錄曰微溫弘景曰甘溫有毒權曰苦之才曰畏垣衣

主治殺蟲毒鬼疰精物辟惡氣不祥逐邪解百毒

本經殺大毒療欬嗽喉結風邪煩惑失魄妄見去日

中膚翳不入湯別錄主尸疰殍勞疾傳尸瘦疾甄權

下死胎治邪瘧癰疽蛇毒射工毒時珍

發明頌曰古方治五尸鬼疰百毒惡氣多用之又日今福州人三月采瑤田草根葉焙乾搗末

蜜丸服治風疾

附方新子死腹中胞破不生此方累效救人歲萬數也鬼曰不拘多少黃色者去

毛為細末不用篩羅只燃之如粉為度每服一錢無灰酒一盞同煎八分通口服立生如神各一字

神散 婦 射工中人 寒熱發瘡 鬼曰葉一把苦酒

千金 黑黃急病 黑黃面黑黃身如土色不效食脉

脉耳會玉泉章門心俞用生鬼曰搗汁一

身干 本經 下品

釋名 烏扇 烏翼 烏吹 烏蒲 鳳翼 鬼扇

宿 扁竹 網 仙人掌 宿 紫金牛 宿 野萱花 網 草薑 別

黃遠 吳普弘景曰射于方書多音夜領曰射干之

爾而陶氏以夜音為疑蓋古字音多通呼若漢官

僕射主射事而亦音夜非有別義也時珍曰其葉

叢生橫鋪一面如鳥翅及扇之狀故有鳥扇烏翼

鳳翼鬼扇仙人掌諸各俗呼扁竹謂其葉扁生而

根如竹也根葉又如蠻薑故曰草薑○翼音所甲切扇也

集解 別錄曰射干生南陽山谷田野三月二日采

之人言其葉是鳶尾而復有鳶頭此若相似爾恐

非鳥翼也又別有射干相似而花白莖長似射干

之執竿者故阮公詩云射干臨層城此不入藥用

恭曰鳶尾葉都似射干而花紫碧色不抽高莖根

似高良薑而肉白名鳶頭保昇曰射干高二三尺

花黃實黑根多鬚皮黃黑肉黃赤所在皆有二月

八月采根去皮日乾藏器曰射干鳶尾二物相似

人多不分射干即人間所種為花草各鳳翼者葉

如鳥翅秋生紅花赤點鳶尾亦人間所種苗低下

於射干狀如鳶尾夏生紫碧花者是也大明曰射

干根潤形似高良薑大小赤黃色淡硬五六七八

尺葉大類蠻薑而狹長橫張疎如翅羽狀故名烏

翼葉中抽莖似萱草莖而強硬六月開花黃紅色

辨上有細文秋結實作房中子黑色一說射干多
生山崖之間其莖雖細小亦類木故荀子云西方
有木名曰射干莖長四寸生於高山之上是也陶
弘景所說花白者自是射干之類(震亨曰)根為射
干葉為烏髮紫花者是紅花者非(札曰)按諸注則
射干非一種有花白者花黃者花紫者花紅者丹
溪獨取紫花者必曾試有驗也(時珍曰)射干即今
扁竹也今人所種多是紫花者呼為紫蝴蝶其花
三四月開六出大如萱花結房大如榭指頗似泡
桐子一房四隔一隔十餘子子大如胡椒而色紫
極硬咬之不被七月始枯陶弘景謂射干為尾是
一種蘇恭陳藏器謂紫碧花者是為尾紅花者是
射干韓保昇謂黃花者是射干蘇頌謂花紅黃者
是射干白花者亦其類宋震亨謂紫花者是射干
紅花者非各執一說何以憑依謹按張揖廣雅云
鳶尾射干也易通卦驗云冬至射干生土宿真君
本草云射干即扁竹葉扁生如劍手掌形莖亦如
之青綠色一種紫花一種黃花一種碧花多生江

南湖廣川浙平陸間八月取汁煮雉黃伏雌黃制
丹砂能拒火據此則為尾射干本是一類但花色
不同正如牡丹芍藥菊花之類其色各異皆是同
屬也大抵入藥功不相遠(藏器曰)射干之名有三
佛經射干芻菟此是惡獸似青黃狗食人能緣木
阮公云射干臨層城者是樹殊有高大者本草射
干是草即今人所種者也

根修治 殷曰凡采根先以米泔水浸一宿漉出
然後以葶竹葉煮之從午至亥日乾用

氣味苦平有毒 別錄曰微溫久服令人虛保昇曰
微寒(權曰)有小毒(元素曰)苦陽中

陰也(時珍曰) **主治** 欬逆上氣喉痺咽痛不得消息
寒多服瀉人

散結氣腹中邪逆 食飲大熱 本經 療老血在心脾間

欬唾言語氣臭散胸中熱氣 別錄 苦酒摩塗毒腫 弘景

治疰氣消痰血通女人月閉權消痰破癥結胸膈

滿腹脹氣喘痞開胃下食鎮肝明目大治肺氣

喉痺為佳宗去胃中癰瘡元利積痰疝毒消結核

震降實火利大腸治瘧母時

發明震亨曰射干屬金有木與火行大陰厥陰之

濕氣因疲勞而發取射干三寸與生薑同煎食前

服利三兩行甚效時珍曰射干能降火故古方治

喉痺咽痛為要藥孫真人千金方治喉痺有烏翬

青張仲景金匱玉函方治欬而上氣喉中作水鷄

聲有射干麻黃湯又治瘧母鼈甲煎丸亦用烏翬

燒過皆取其降厥陽相火也火降則血散腫消而

痰結自解癥瘕自除矣

附方舊二咽喉腫痛射干花根山豆根陰乾為傷

寒咽閉腫痛用生射干猪脂各四兩合煎令焦喉

痺不通漿水不夫外臺祕要用射干一片含嚙汁

腑動即解或醋研汁嚙引涎出亦妙○便民方用

紫蝴蝶根一錢黃芩生甘草桔梗各五分為末水

調頓服立愈二便不通諸藥不効紫花扁竹根生

各奪命散水蠱腹大動搖水聲皮膚黑用鬼扇根搗

疝腫刺發時腫痛如刺用生射干搗汁乳癰初腫

扁竹根如僵蠶者同萱草根為中射工毒生瘡者

末蜜調傅之神効永類方烏翬升

麻各二兩水三升煎二升溫服

以滓傅瘡上姚僧坦集驗方

本草綱目卷之七

鳥尾 本經 下品

釋名 烏園 經 根名 鳶頭

時珍曰並以形命名烏園當作烏鳶

集解

別錄曰烏鳶生九疑山谷五月采弘景曰方家言是射干苗而主療亦是當別是一種方

用鳶頭當是其根療體相似而木草不題恭曰此草力在右之人家亦種葉似射干而潤短不抽長莖花紫碧色根似高良薑皮黃肉白嚼之載人咽疾與射干全別射干花紅抽莖長根黃有白保昇曰草名鳶尾根名鳶頭亦謂之鳶根葉似射干布地生黑根似高良薑而節大數筒相連九月十月采根日乾時珍曰此即射干之苗非別一種也肥地者莖長根粗瘠地者莖短根瘦其花自有一數色諸家皆是強分陳延之小品方言東海鳶頭即由跋者亦訛也東海出之故耳

氣味 苦平有毒

恭曰有毒

主治 蠱毒邪氣鬼疰諸毒

破癥瘕積聚去水下三蟲

本經 殺鬼魅療頭眩

附方

舊一 飛尸遊蠱

着喉中氣欲絕者鳶尾根削去皮納喉中摩病處令血出

為佳

陳藏器本草拾遺

鬼魅邪氣

牙印金牙莖管子防葵為

末酒服方寸七欲令病人見鬼增防葵一分欲令

知鬼又增一分立驗不可多服

陳延之小品方

玉簪

綱目

釋名 白鶴仙

時珍曰並以花象命名

集解

時珍曰玉簪處處人家栽為花草二月生苗成叢高尺許柔莖如白菘其葉大如掌團而

有尖葉上紋如車前葉青白色頗嬌莖六七月抽莖莖上有細葉中出花朵十數長二三寸本小末大未開時正如玉搔頭簪形又如羊肚蕈菇之狀開時微綻四出中吐黃蕊頗香不結子其根

本草綱目卷下

卷下

三十六

連生如鬼白射于生薑輩有鬚毛舊莖死則根有
一白新根生則舊根腐亦有紫花者葉微狹皆鬼
之屬

根氣味甘辛寒有毒**主治**搗汁服解一切毒下骨

硬塗癰腫時珍

附方新**五乳癰初起**內消花即玉簪花取根搗酒服以渣傳之海上方**婦人**

斷產辰砂二錢搗末蜜和丸梧子大產內三十日

以酒半盞服之不可着牙**解斑蝥毒**玉簪根搗水

齒能損牙齒也**下魚骨哽**玉簪花根山裏紅果根同搗自

濟急方**胡骨取牙**然汁以竹筒灌入骨中其骨自下不可着牙齒

砂二分威靈仙三分草烏頭一分半為末以少許點疼處即自落也余居士選奇方

葉氣味同**主治**蛇虺螫傷搗汁和酒服以渣傳之

中心留孔洩氣時珍

鳳仙綱目

釋名急性子救旱珍珠綱目金鳳花綱目小桃紅救夾

竹桃救海納音染指甲草救菊婢時珍曰其花頭

然如鳳狀故以名之女人采其花及葉包染指甲其實狀如小桃老則迸裂故有指甲急性小桃諸

名宋光宗李后諱鳳宮中呼為好女兒

集解時珍曰鳳仙人家多種之極易生二月下子五月可再種苗高二三尺莖有紅白二色其

本草綱目卷下

卷二十七下

三七

大如指中空而脆葉長如尖似桃柳葉而有鋸齒
極間開花或黃或白或紅或紫或碧或雜色亦自
變易狀如飛禽自夏初至秋盡開謝相續結實纍
然大如櫻桃其形微長色如毛桃生青熟黃犯之
即自裂皮卷如拳苞中有子似蘿蔔子而小褐色
人采其肥莖灼配以充蒿笋嫩華酒浸一宿亦可
食但此草不生虫蠹蜂蝶亦不近恐亦不能無毒也

子氣味微苦溫有小毒主治產難積塊噎膈下骨

哽透骨通竅時珍

發明時珍曰鳳仙子其性急速故能透骨軟堅庖

緣其透骨最能損齒與玉簪根同此

附方新產難催生
鳳仙子二錢研末水服勿近牙

噎食不下鳳仙花子酒浸三宿晒乾為末酒

咽中骨哽欲死者白鳳仙子研水

牙齒欲取金鳳花子研末

小兒痞積急性子水菘花子大黃各一

兩俱生研末每味取五錢外

用皮消一兩拌勻將白鷄鴿一箇或白鴨亦可去

毛屎剖腹勿犯水以布拭淨將末裝入內用線紮

定沙鍋內入水三碗重重紙封以小火煑乾將鴿

鴨翻調焙黃色冷定早晨食之日酉時疾軟三日

大便下血病去矣忌冷物

百日孫天仁集効方

花氣味甘滑溫無毒主治蛇傷搗酒服即解又治

腰脇引痛不可忍者研餅晒乾為末空心每酒服

三錢活血消積

時珍

附方 新風濕臥床

不起用金鳳花栢子仁朴消木瓜煎湯洗浴每日二三次內服

獨活寄生湯 吳旻扶壽精方

根葉氣味苦甘辛有小毒**主治**雞魚骨哽誤吞銅

鐵杖樸腫痛散血通經軟堅透骨

時珍

附方 新咽喉物硬

金鳳花根嚼爛噙嚥骨自下雞骨尤効卽以溫水漱口免損齒

也亦治誤吞銅鐵 危氏得効方

打杖腫痛 腫破處乾則又上一

夜血散卽愈冬月收取乾者研末 馬患諸病

白鳳

水和塗之 葉廷器通變要法 連根葉熬膏遇馬有病抹其眼四

角上卽汗出而愈 衛生易簡方

坐拏草

宋圖

集解

頌曰生江西及滁州六月開紫花結實采其

珍曰按一統志云 出吉安永豐縣

氣味辛熱有毒**主治**風痺壯筋骨兼治打撲傷損

蘇頌

發明

頌曰神醫普救方治風藥中已有用者時珍

治隔上虛熱咽啞塞小便秘赤清神困多睡有坐

拏丸用坐拏草大黃赤芍藥木香升麻麥門冬黃

芪木通酸棗仁薏苡仁枳殼等分爲末 蜜丸梧子大每服二十九麥門冬湯下

附錄 押不蘆

時珍曰按周密癸辛雜志云漠北回

磨酒飲即通身麻痺而死加以刀斧亦不知至三日則以少藥投之自活御藥院中亦儲之貪官汚吏罪甚者則服百日丹皆用此也昔華佗能剗腸滌胃豈不有此等藥耶

曼陀羅花

綱目

釋名風茄兒

綱目

山茄子

時珍曰法華經言佛說法時天雨曼陀羅花又道家

北斗有陀羅星使者手執此花故後人因以名花曼陀羅梵言雜色也茄乃因葉形爾姚伯聲花品呼為惡客

集解

時珍曰曼陀羅生北土人家亦栽之春生夏長獨莖而上高四五尺生不旁引緣莖碧葉

葉如茄葉八月開白花凡六瓣狀如牽牛花而大橫花中折駢葉外包而朝開夜合結實圓而有丁柄中有小子八月采花九月采實

花子氣味辛溫有毒主治諸風及寒濕脚氣煎湯

洗之又主驚癇及脫肛并入麻藥

時珍

發明

時珍曰相傳此花笑采釀酒飲令人笑舞采釀酒飲令人舞予嘗試之飲須半酣更令一人或笑或舞引之乃驗也八月采此花七月采火

麻子花陰乾等分為末熟酒調服三錢少頃昏昏如醉割瘡灸火宜先服此則不覺苦也

附方

新面上生瘡

曼陀羅花晒乾研末少許貼之

小兒慢驚

曼陀羅花七朶重一字天麻二錢半全蝎炒十枚天南星炮丹砂乳香各二錢半為末每服半

錢薄荷湯調下大腸脫肛曼陀羅子連殼一對橡

錢薄荷湯調下大腸脫肛

曼陀羅子連殼一對橡

五沸入朴消少許

洗之儒門事親

羊躑躅

本經
下品

釋名

黃躑躅

綱目

黃杜鵑

蒙

羊不食草

拾遺

鬧羊花

綱目

驚羊花

綱目

老虎花

綱目

玉枝

別錄

躑躅而死故名

羊食其葉

集解

別錄曰羊躑躅生太行山川谷及淮南山三
似鹿葱不可近眼恭曰花亦不似鹿葱正似旋花
色黃者也保昇曰小樹高二尺葉似桃葉花黃似
瓜花三月四月采花日乾頌曰所在有之春生苗
似鹿葱葉似紅花莖高三四尺夏開花似凌霄花
山石榴華正黃色羊食之則死今嶺南蜀道山谷
遍生皆深紅色如錦繡然或云此種不入藥時珍
曰韓保昇所說似桃葉者最的確其花五出蕊瓣皆
黃氣味皆惡蘇頌所謂深紅色者即山石榴名紅

鄭獨者無毒與此別類張揖廣雅謂躑躅一名決
光者誤矣決光決明也按唐李紳文集言駱谷多
山枇杷毒能殺人其花明艷與杜鵑花相似樵
者識之其說似羊躑躅木知是否要亦其類耳

花氣味辛温有大毒

伏丹砂礞砂雌黃畏厄子

主治鼠風在皮膚中淫淫痛温瘡惡毒諸痺

本經邪

氣鬼疰蠱毒

別錄

發明

頌曰古之大方多用躑躅如胡洽治時行赤
散及治五噎四滿丸之類并治風諸酒方皆

雜用之又治百病風濕等魯王酒中亦用躑躅花
今醫方將脚湯中多用之南方治蠱毒下血有躑
躅花散云甚勝時珍曰此物有大毒曾有人以其
根入酒飲遂至於斃也和劑局方治中風癱瘓伏
虎丹中亦用之不多服耳

附方 風痰注痛

餅餽上蒸四五遍以稀葛羹盛

之臨時取焙為末蒸餅丸梧子大每服三九溫酒

下腰脚骨痛空心服手臂痛食後服大良續傳

信痛風走注

黃躑躅根一把糯米一盞黑豆半盞

便能動也

酒水各一盞徐徐服大吐大泄一服

醫學集成

○風濕痺痛 手足身軀收攝不遂肢節

一合酒二合調服五分

聖惠方 風蟲牙痛 躑躅

草烏頭二錢半為末化臘丸豆大

綿包一丸咬之追涎 海上仙方

附錄 山躑躅

時珍曰處處山谷有之高者四五尺

而花繁一枝數萼二月始開花如羊躑躅而蒂如

石榴花有紅者紫者五出者千葉者小兒食其花

味酸無毒一名紅躑躅一名山石榴一名映山

紅一名村鵝花其黃色者即有毒羊躑躅也

不喫草

拾遺藏器曰生蜀川山谷葉細長在諸草

風血補益攻諸病煮之亦浸酒服時珍曰

此草似羊躑躅而云無毒辨別有此也

芫花

本經

校正

自木部移入此

釋名 杜芫

別錄

赤芫

去水

毒魚

頭痛花

草 敗華

吳普

根名黃大戟

蜀桑

別錄時珍曰芫

詳去水言其功毒魚言其性大戟言其似也俗人

因其氣惡呼為頭痛花山海經云首山其草多芫

集解

別錄曰芫花生淮源川谷三月三日采花陰

黑華有紫赤白者三月實落盡葉乃生三月采花

五月采葉八月九月采根陰乾保昇曰近道處處

有之苗高二三尺葉似白前及柳葉根皮黃似桑根正月二月花發紫碧色葉未生時收采日乾葉生花落即不堪用也頌曰在處有之宿根舊枝莖紫長一二尺根入土深三五寸白色似榆根春生苗葉小而尖似楊柳枝葉二月開紫花頗似紫荊而作穗又似藤花而細今絳州出者花黃謂之黃荊花時珍曰顧野王玉篇云莞木出豫章煎汁藏果及卵不壞洪邁容齋隨筆云今饒州處處有之莖幹不純是木小人爭鬪者取葉接捺皮膚輒作赤腫如被傷以誣人至和盪擦卵則又染其外若赭色也

修治 弘景曰用當微熬不可近眼時珍曰莞花留數年陳久者良用時以好醋煮十數沸去醋

以水浸一宿晒乾用則毒滅也或以醋炒者次之

氣味 同根 **辛温有小毒** 別錄曰苦微温普曰神農黃帝雷公苦有毒扁鵲岐伯苦

李當之有大毒多服令人洩之不可日決明為之使反甘草 **主治** 欬逆上氣喉鳴

喘咽腫短氣蟲毒鬼瘡疔痕癰腫殺蟲魚 經本 **消胸**

中痰水喜唾水腫五水在五臟皮膚及腰痛下寒

毒肉毒根療疥瘡可用毒魚 別錄 **治心腹脹滿去水**

氣寒痰涕唾如膠通利血脉治惡瘡風痺濕一切

毒風四肢攣急不能行步 甄權 **療欬嗽瘴瘧** 大明 **治水**

飲痰澀脇下痛 時珍

發明 時珍曰張仲景治傷寒太陽證表不解心下

湯主之若表已解有時頭痛出汗惡寒心下有水氣乾嘔痛引兩脇或喘或欬者十棗湯主之蓋小

青龍治未發散表邪使水氣自毛竅而出乃內經所謂開鬼門法也十棗湯驅逐裏邪使水氣自大便而洩乃內經所謂潔淨府去陳莖法也夫飲有五皆由內吸水漿外受濕氣鬱蓄而為留飲流于肺則為支飲令人喘欬寒熱吐沫背寒流于肺則為懸飲令人欬唾痛引缺盆兩脇流于心下則為伏飲令人胸滿嘔吐寒熱眩運流于腸胃則為痰飲令人腹鳴吐水胸脇支滿或作泄瀉忽肥忽瘦流于經絡則為溢飲令人沉重注痛或作水氣附腫芫花大戟甘遂之性逐水洩濕能直達水飲窠囊隱僻之處但可徐徐用之取効甚捷不可過劑洩人真元也陳言三因方以十棗湯藥為末用棗肉和丸以治水氣喘急浮腫之證蓋善變通者也楊士瀛直指方云破痺須用芫花行水後便養胃可也好古曰水者肺腎脾三經所主有五臟六腑十二經之部分上而頭中而四肢下而腰脚外而皮毛中而肌肉內而筋骨脈有尺寸之殊浮沉之別不可輕瀉當知病在何經何臟方可用之若

誤投之則害深矣芫花與甘草相反而胡洽居士方治痰癖飲癖以甘遂大戟芫花大黃甘草同用蓋欲其大吐以泄濕邪也

正誤 慎微曰三國志云魏初平中有青牛先生常服芫花年百餘歲常如五六十人時珍曰芫

花乃下品毒物豈堪久服此方外迂怪之言不足信也

附方 舊五新卒得欬嗽 芫花一升水三升煮汁一

食五枚必卒嗽有痰 芫花一兩炒水一升煮四沸

愈 肘後卒嗽有痰 芫花一兩炒水一升煮四沸

勿食酸醜物 喘嗽失音 暴傷寒冷喘嗽失音取

張文仲備急方 喘嗽失音 芫花連根一虎口切暴

乾冷病人以薦自裹春令灰飛揚入其七孔中當

眼冷出口鼻皆辣待芫根盡乃止病即愈 古今

錄 乾嘔脇痛 傷寒有時頭痛心下痞滿痛引兩脇

驗 乾嘔短氣汗出不惡寒者表解裏未

和也十棗湯主之芫花黎甘遂大戟各等分爲散
以大棗十枚水一升半煮取八合去渣納藥強人
服一錢羸人半錢平旦服之當下利病
除如不除明旦更服仲景傷寒論
及癰飲用十棗湯加大黃甘草五物各一兩大棗
十枚同煮如法服一方加芒消一兩胡洽百病

方天行煩亂凝雪湯治天行毒病七八日熱積胸
取一升半漬故布薄胸上不過再三薄
熱則除當溫四肢護厥逆也千金方
在腹脇堅痛者芫花炒二兩硃砂五錢爲
末蜜丸梧子大每服十丸棗湯下直指水蠱脹

滿芫花枳殼等分以醋煮芫花至爛乃下枳殼煮
酒疸尿黃發黃心懊痛足脛滿芫花椒目等
分燒末水服半錢日二服肘後背腿

問痛一點痛不可忍者芫花根末米醋調傳之如
不住以帛束之婦人產後有此尤宜

諸般氣痛芫花醋煮半兩玄胡索炒一兩半爲末
梅湯下婦人血氣痛當歸酒下諸氣痛
香附湯下小腸氣痛茴香湯下仁存鬼胎癥瘕
經候不通芫花根三兩剉炒黃爲末每服一
錢桃仁煎湯調下當利惡物而愈聖惠方催生

去胎芫花根剉皮以綿裹點麝香套入
不下芫花當歸等分炒爲
末調一錢服保命集
爲末每服一字溫醋
湯下乾坤生意
溫水漱之

白禿頭瘡芫花末猪脂和
承類方
末和膠塗
之干金

癰腫初起芫
痔瘡乳核芫根一握洗淨入木日搗爛入少水絞
汁於石器中慢火煎成膏將絲線於膏

牙痛難忍諸藥不効芫花末
牙痛難忍諸藥不効芫花末
癰腫初起芫

本堂綱目草部
卷之七下
四十五

內度過以線繫痔當微痛候痔乾落以紙擦蘸膏

納竅內去根當永除根也一方只搗汁浸線一夜

用不得使癩癰初起氣壯人用芫根搗水一盞服

水經瀨湖便毒初起芫根搗水服以渣傳之得下

傳瀨湖便毒初起芫根搗水服以渣傳之得下

集簡方贅瘤焦法甘草煎膏筆粧癰之四圍上三次

方調別以筆粧其中勿近甘草次日縮小又以甘草

膏粧小暈三次如前仍上此藥自然焦縮一危氏

得効一切菌毒研新汲水服一錢以利為度危

氏得効方

芫花 音饒 ○本

釋名 時珍曰芫者饒也其花繁饒也

集解 別錄曰芫花生或陽川谷及河南中牟六月

芫花而極細白色恭曰苗似胡荽莖無刺花細黃

色四月五月收與芫花全不相似也保昇曰所在

有之以雍州者為好生岡原上苗高二尺許宗奭

曰今京洛間甚多時珍曰按蘇頌圖經言絳州所

出芫花黃色謂之黃芫花其圖小株花成簇生恐

卽此芫花也生時色黃乾則如白故陶氏言細白

也或言無芫花以桃

花代之取其利耳

氣味苦寒有毒 別錄曰辛 主治傷寒溫瘧下十二

水破積聚大堅癥瘕蕩滌胸中留癖飲食寒熱邪

氣利水道 經本 療痰飲欬嗽 別錄 治欬逆上氣喉中腫

滿柱氣蠱毒疰瘕瘳氣塊 魏 確

發明

宗奭曰張仲景傷寒論以薺花治利者取其
行水也水去則利止其意如此今用之當斟酌
不可過使與不及也須有是證乃用之好古曰
仲景小青龍湯云若微利去麻黃加薺花如雞子
大藜令赤色用之蓋利水也時珍曰薺
花蓋亦芫花之類氣味主治大畧相近

醉魚草

綱目

釋名 鬧魚花

綱目

魚尾草

綱目

樨木

集解

時珍曰醉魚草南方處處有之多在壑岸邊
作小株生高者三四尺根狀如枸杞莖似黃
荆有微稜外有薄黃皮枝易繁衍葉似水楊對節
而生經冬不凋七八月開花成穗紅紫色儼如芫
花一樣結細子漁人采花及葉以毒魚盡圍圍而
死呼為醉魚兒草池沼邊不可種之此花色狀氣
味並如芫花毒魚亦同但花開不同時為異爾按
中山經云熊耳山有草焉其狀如蘇而赤華名曰

葶藶可以毒魚
其此草之類與

花葉氣味 辛苦溫有小毒 主治 痰飲成胸 遇寒便

發取花研末和米粉作糗炙熟食之即効又治誤

食石斑魚子中毒吐不止及諸魚骨鯁者搗汁和

冷水少許嚥之吐即止骨即化也久瘡成癬者以

花填鯽魚腹中濕紙裹煨熟空心食之仍以花和

海粉搗貼便消

時珍

莽草

本草

校正

自木部
移入此

釋名 茵草

音

芒草

山海經

鼠莽

俗

弘景曰莽本作茵字
訛呼爾時珍曰此

物有毒食之令人迷罔故名山人以毒鼠謂之鼠莽

正誤 別錄曰一名菴一名春草禹錫曰按爾雅云菴春草孫炎注云藥草也俗呼為菴草郭璞

注云一名芒草所見異也時珍曰菴音尾白薇也薇菴字音相近爾別錄白薇下云一名春草而此

又以為菴草蓋因孫炎之誤也今正之

集解 別錄曰菴草生上谷山谷及宛旬五月采葉陰乾弘景曰今東問處處皆有葉青辛烈者

良又用搗以和陳粟米粉納水中魚吞即死浮出人取食之無妨頌曰今南中州郡及蜀川皆有之

木苦不南而葉稀無花實五月七月采葉陰乾一說藤生繞木石間既謂之草乃藤生者是也宗奭

曰菴草諸家皆謂之草而本草居木部今世所用皆木葉如石南葉枝梗乾則謬採之其臭如椒教

曰凡用葉勿用尖及攀生者時珍曰范子計然云菴草出三輔青色者善

葉修治 教曰凡使取葉細剉以生甘草水蓼二味同盛入生稀絹袋中甑中蒸一日去二件

用 蒸乾

氣味辛溫有毒 晉曰神農辛雷公桐君苦有毒時珍曰菴草制雌黃雄黃而有毒誤

食害人惟紫河車磨水服及黑豆煎汁服可解豆汁澆其根即爛性相制也

主治風頭 經本

癰腫乳癰疔瘰除結氣疥癩殺蟲魚 療喉痺不

通乳難頭風癢可用沐勿令入眼 別錄

腫墜凝血治療癰除濕風不入湯服主頭瘡白禿

殺蟲與白斂赤小豆為末雞子白調如糊熨毒腫

乾更易上 甄權 **治皮膚麻痺煎濃湯淋風蟲牙痛** 大明

發明

頌曰古方治風毒痺厥諸酒皆用茵草今醫家取葉煎湯熱含少頃吐之治牙齒風虫及喉痺甚効宗奭曰濃煎湯淋滌皮膚麻痺周禮煎氏掌除蠹物以茵草熏之則死時珍曰古方治小兒傷寒有莽草湯又瑣碎錄云思村王氏之子生七日而兩腎縮入二醫云此受寒氣而然也以硫黃茱萸大蒜研塗其腹以茵草

附方

新舊四賊風腫痺風入五臟恍惚宜莽草膏主各二兩切以水和醋一升漬一宿猪脂一斤煎三上三下絞去滓向火以手摩病上三百度應手即瘥若耳鼻疾可以綿裹塞之肘後小兒風癩掣旋戴眼疥癬雜瘡並按摩之肘後小兒風癩掣旋戴眼十發又治大人賊風莽草雷丸各一雞子黃大化猪脂一斤煎七沸去滓摩痛處勿近日及陰日凡三四次外臺秘要頭風久痛莽草煎湯沐之勿風蟲牙痛

用後方用莽草煎湯熱漱冷吐○一加山椒皮○一加獨活○一加郁李仁○一加莞花○一加川椒細辛各等分煎湯熱漱冷吐○聖惠用莽草半兩皂角三挺去皮子漢椒七粒為末棗肉丸芥子大每以一九塞孔中吐涎取効癰癧結核茵草一兩為末雞子白取効止○癰瘡未潰方同上得乳腫不消莽草小聖惠方為末苦酒和傳狗咬昏悶浸椒水調莽草末之衛生易簡傳之便民圖纂

茵芋

釋名莞草

別錄甲共別錄時珍曰茵芋本作因預未詳其義莞草與莆莞名同

集解

別錄曰茵蕒生太山川谷三月三日采葉陰似莽草而細軟連細莖采之方用甚稀惟合療風酒大明曰出自海鹽形似石南樹生葉厚五六七

月采頌曰今雍州絳州華州杭州亦有之春生苗高三四尺莖赤葉似石櫞而短厚又似石南葉四月開細白花五月結實三

莖葉氣味苦溫有毒別錄曰微溫有毒主治五臟邪

氣心腹寒熱羸瘦如瘡狀發作有時諸關節風濕

痺痛經本療久風濕走四肢脚弱別錄治男子女人軟

脚毒風拘急攣痛權一切冷風筋骨怯弱羸顫入

藥灸用明大

發明時珍曰千金外臺諸古方治風痲有茵蕒丸

膏風濕諸方多用之茵蕒石南菴草皆古

附方舊一茵蕒酒治賊風手足枯痺拘攣用茵蕒

防已石南葉躑躅花細辛桂心各一兩十二味切

以絹袋盛清酒一斗漬之冬七夏三春秋五日藥

成每服一合日二服以微痺為度方茵芋丸治風

出劫治居士百病方圖經本草茵芋丸治風

帶成脚氣發則痛者茵芋葉炒薏苡仁各半兩郁

李仁一兩牽牛子三兩生研末半兩右為末煉蜜

丸如梧子大每服二十九五更薑棗產後中風

湯下取利未利再服取決本事方產後中風茵

煎三上三下膏成每服熱摩千遍千金方

石龍芮本經校正併入菜

釋名地樞本經天豆別錄石能別錄魯果能別錄水葷吳普

又音苦葷爾雅葷葵郭璞胡椒菜救荒彭根別錄弘景曰

生石上其

葉芮芮短小故名恭曰實如桑椹故名地樞禹錫曰爾雅云齧若董也郭璞云即苦董也本草言味甘而此云苦者古人語倒猶甘草謂之大苦也時珍曰芮芮細兒其樞之子細芮故名地樞以下皆子名也水董以下皆苗名也苗作蔬食味辛而滑故有椒莢之名唐本草菜部水董係重出今依吳普本草合

併為一
集解 別錄曰石龍芮生大山川澤石邊五月五日采子二月八月采皮陰乾弘景曰今出近道

子形粗似蛇狀子而扁非真好者人言是菑菜子也東山石上所生者其葉芮芮短小其子狀如葶蘆黃色而味小辛此乃是真也恭曰今用者俗名水董苗似附子實如桑椹生下濕地五月熟葉子皆味辛山南者粒大如葵子關中河北者細如葶蘆氣力劣於山南者陶以細者為真未為通論又曰董菜野生非人所種葉似葶花紫色藏器曰爾雅云葶董草注云烏頭苗也蘇恭注天雄亦云石

龍芮葉似葶草故名水董據此則董草是烏頭苗水董定是石龍芮更非別草也頌曰今惟出兗州一叢數莖莖青紫色每莖三葉其葉短小多刻缺子如葶蘆而色黃蘇恭所說乃水董非石龍芮也兗州所上者正與本草及陶氏說合為得其真宗奩曰石龍芮有兩種水中生者葉光而子圓陸地生者葉毛而子銳入藥須水生者陸生者又謂之天灸而補不足莖冷失精時珍曰蘇恭言水董即石龍芮蘇頌非之非矣按漢吳普本草石龍芮一名水董其說甚明唐本草菜部所出水董言其苗也本經石龍芮言其子也寇宗奩所言陸生者乃是毛華有大毒不可食水董即俗稱胡椒菜者處處有之多生近水濕地高者尺許其根如薺二月生苗叢生圓莖分枝一枝三葉葉青而光滑有三尖多細缺江淮人三四月采苗瀹過晒蒸黑色為蔬四五月份開細黃花結小實大如豆狀如初生桑椹青綠色極散則子甚細如葶蘆子即石龍芮也宜半老時采之范子計然云石龍芮出三輔色

黃者

子根皮

氣味苦平無毒

普曰神農苦平岐伯酸偏鵠大寒雷公賦無毒之才

曰大戟為之使畏萊萸蛇蛻皮

主治風寒濕痺心腹邪氣利關節

止煩滿久服輕身明目不老

本經平腎胃氣補陰氣

不足失精莖冷令人皮膚光澤有子

別錄逐諸風除

心熱燥

太明

發明

時珍曰石龍芮乃平補之藥古方多用之其功與枸杞覆盆子相類而世人不知用何哉

水堇氣味甘寒無毒

時珍曰微辛苦澇

主治擣汁洗馬毒

瘡并服之又塗蛇蝎毒及癰腫

唐本久食除心下煩

熱主寒熱鼠瘻癰癧生瘡結核聚氣下瘀血止霍亂

又生搗汁半升服能殺鬼毒即吐出

孟詵

發明

說曰堇葉止霍亂與香莢同功香莢即香薷也

附方

舊二結核氣堇菜日乾為末油煎成膏摩之日三五度便瘥

蛇咬傷瘡

生堇杵汁塗之

血疝初起

胡椒菜葉按揉之集簡方

毛茛

音艮拾遺

校正

併入毛茛

釋名毛建草

拾遺水茛

綱目毛堇

音芹天灸

衍義自灸

綱目猴

蒜

時珍曰蒜乃草烏頭之苗此草形狀及毒皆似之故名別後方謂之水茛又名毛建亦蒜字音

詭也俗名毛堇似水堇而有毛也山人截瘡采葉按貼寸口一夜作泡如火燎故呼為天灸自灸

集解

藏器曰陶注鉤吻云或是毛茛蘇恭云毛茛
一方云菜中有水茛葉圓而光生水旁有毒蟹多
食之人誤食之狂亂如中風狀或吐血以甘草汁
解之又曰毛茛草生江東地田野澤畔葉如芥而
大上有毛花黃色子如蒺藜時珍曰毛建毛茛即
今毛茛也下濕處即多春生苗高者尺餘一枝三
葉葉有三尖及細缺與石龍芮莖葉一樣但有細
毛為別四五月開小黃花五出甚光艷結實狀如
從從青桑椹如有尖峭與石龍芮子不同人以為
鶯不食草者大誤也方士取汁炙砂伏硫沈存中
筆談所謂石龍芮有兩種水生者葉光而未圓陸
生者葉毛而未銳此
即葉毛者宜辨之

附錄海薑陰命

藏器曰陶注鉤吻云海薑生海中
赤色狀如石龍芮有大毒又曰陰
命生海中赤色着木懸其
子有大毒今無的識者

葉及子氣味辛溫有毒主治惡瘡癰腫疼痛未潰

搗葉傅之不得入瘡令肉爛又患瘡人以一握微

碎縛於臂上男左女右勿令近肉即便成瘡和薑

搗塗腹破冷氣

藏器

牛扁 本經下品

釋名扁特 唐本 扁毒 唐本

集解 別錄曰牛扁生桂陽川谷弘景曰今人不復
識此恭曰此藥似葶草石龍芮葦根如秦茺

而細生平澤下地田野人名為牛扁療牛虱甚効
太常名扁特或名扁毒保昇曰今出寧州葉似石
龍芮附子等二月八月采根日乾頌曰今潞州一
種便特六月有花八月結實采其根苗搗末油調

殺蟻虱主療大都相似疑卽扁特也但聲近而字訛耳

氣味苦微寒無毒**主治**身皮膚瘡熱氣可作浴湯殺

牛虱小蟲又療牛病本經

附錄虱建草拾遺藏器曰苦無毒主蟻虱按汁沐頭虱盡死人有誤吞虱成病者搗汁

服一小合亦主諸虫瘡生山足湿地發葉似山丹微赤高一二尺又有水竹葉生水中葉如竹葉而

短小可生食亦去蟻虱

蓴麻蓴音燁宋圖經

釋名毛蕪時珍曰蓴字本作蕪杜子美有除蕪草詩是也

集解頌曰蓴麻生江寧府山野中時珍曰川黔諸處甚多其莖有刺高二三尺葉似花桑或青

或紫背紫者入藥上有毛芒可畏觸人如蜂蠆蠶蠶以人溺濯之卽解有花無實冒冬不凋接接水

中能毒魚

氣味辛苦寒有大毒吐利人不止**主治**蛇毒楊梅

格注草唐本草

集解恭曰出齊魯山澤間葉似蕪根紫色若紫草根一株有二十許二月八月采根五月六月

采苗日乾用

氣味辛苦温有大毒**主治**蠱症諸毒疼痛等唐本

海芋綱目

本草綱目卷之二十一

釋名觀音蓮綱羞天草玉天荷綱隔河仙見下

集解時珍曰海芋生蜀中今亦處處有之春生苗

開花如一瓣蓮花碧色花中有藥長作穗如觀音

像在圓光之狀故俗呼為觀音蓮方士號為隔河

仙云可變金其根似芋魁大者如升益長六七寸

蓋野芋之類也庚辛玉冊云羞天草陰草也生江

廣深谷澗邊其葉極大可以禦雨葉背紫色花如

蓮花根葉皆有大毒可殺粉霜殊砂小者名野芋

宋祁海芋贊云木幹芋葉擁腫盤庚農經弗載可以治癘

氣味辛有大毒主治瘧瘴毒腫風癩伏礪砂時珍

附錄透山根時珍曰按嶠嶼神書云透山根生蜀

有人采藥誤研此草刀忽黃軟成金也又庚辛玉

冊云透山根出武都取汁點鐵立成黃金有大毒

人誤食之化為紫水又有金英草亦生蜀中狀如

馬齒莧而色紅摸鐵成金亦有金毒入口殺人須

臾為紫水也又何遠春治紀聞云劉均父吏部罷

官歸成都都有水銀一篋過峽篋漏急取渡旁叢草

塞之又而開視盡成黃金矣宋初有軍士在澤州

澤中割馬草歸鎌皆成金以草燃釜亦成黃金又

臨安僧法堅言有客過於潛山中見一蛇腹脹齧

一草以腹磨之而消念此草必能消脹取置篋中

夜宿旅館聞隣房有人病腹脹呻吟以釜煎藥一

釜與服頃之不復聞聲念已安矣至旦視之其人

血肉俱化為水獨骸骨在牀爾視其釜則通體成

金矣觀何氏所載即是透山根乃金英草之類如

此毒草不可不知故備載之耳

鉤吻木經

釋名野葛本毒根吳胡蔓草圖斷腸草綱黃藤綱

本草綱目卷之...

火把花

弘景曰言其入口則鉤人喉吻也或言吻草雖名野葛非葛根之野者也或作冶葛王充論衡云治地名也在東南其說甚通廣人謂之胡蔓草亦曰斷腸草入人畜腹內即枯腸上半日則黑爛又名爛腸草漁人謂之火把花因其花紅而性熱如火也岳州謂之黃藤

集解

時珍曰鉤吻生傳高山谷及會稽東野折之青烟出者名固活二月八月采晉曰秦鉤吻一名除辛生南越山及寒石山或益州葉如葛赤莖大如箭而方根黃色正月采之恭曰野葛生桂州以南村墟闕巷間皆有彼人通名鉤吻亦謂苗為鉤吻根名野葛蔓生其葉如柿其根新采者皮白骨黃宿根似地骨嫩根如漢防已皮節斷者良正與白花藤相類不深別者頗亦惑之新者折之無塵氣經年以後則有塵起從骨之細孔中出今折拘把根亦然本草言折之青烟起者名固活為

良亦不達之言也人誤食其葉者致死而羊食其苗大肥物有相伏如此博物志云鉤吻蔓生葉似鳧葵是也時珍曰稽含南方草木狀云野葛蔓生葉如葉如羅勒光而厚一名胡蔓草人以雜生蔬中毒人半日輒死段成式酉陽雜俎云胡蔓草生邕州容州之間叢生花扁如卮子而稍大不成朵色黃白其葉稍黑又按嶺南衛生方云胡蔓草葉如茶其花黃而小一葉入口百竅潰血人無復生也時珍又訪之南人云鉤吻即胡蔓草今人謂之斷腸草是也蔓生葉圓而光春夏嫩苗毒甚秋冬枯老稍緩五六月開花似檉柳花數十朵作穗生嶺南者花黃生嶺南者花紅呼為火把花此數說皆與吳普蘇恭說相合陶弘景等別生分辨並正于下

正誤

弘景曰五符經亦言鉤吻是野葛數事而言是兩物野葛是根狀如牡丹所生處亦有毒飛鳥不得集今人用合膏服之無嫌鉤吻別是一物葉似黃精而莖紫當心抽花黃色初生極類

黃精故人采多感之遂致死生之反或云鉤吻是
毛茛參錯不同未詳云何敬曰凡使黃精勿用鉤
吻真似黃精只是葉有毛鉤子二個黃精葉似竹
葉又曰凡使鉤吻勿用地精莖苗相同鉤吻治人
身上惡毒瘡其地精殺人茶曰鉤吻蔓生葉如
柿陶言飛鳥不集者安也黃精直生葉似柳及龍
膽草殊非比類毛茛乃有毛石龍肉與鉤吻何干
頌曰江南人說黃精莖苗稍類鉤吻但鉤吻葉頭
極大而根細與蘇恭所說不同恐南北之產異也
禹錫曰陶說鉤吻似黃精者當是蘇說似柿葉者
別是一物也又言苗名鉤吻根名野葛者亦非通
論時珍曰神農本草鉤吻一名野葛一句已明草
木狀又名胡蔓草顯是藤生吳普蘇恭所說正合
本文陶氏以藤生為野葛又指小草為鉤吻復疑
是毛茛乃祖雷敷之說諸家遂無定見不辨其蔓
生小草相去遠也然陶雷所說亦是一種有毒小
草但不得指為鉤吻爾昔天姥對黃帝言黃精益
壽鉤吻殺人乃是以二草善惡比對而言陶氏不

審疑是相似遂有此
說也餘見黃精下

氣味辛温大有毒普曰神農辛雷公有毒殺人時
珍曰其性大熱本草毒藥止云

有大毒此獨變文曰大有毒可見其毒
之異常也之才曰半夏為之使惡黃芩**主治金瘡**

乳瘻中惡風欬逆上氣水腫殺鬼疰蠱毒本
經**破癥**

積除脚膝痺痛四肢拘攣惡瘡疥蟲殺鳥獸搗汁

入膏中不入湯飲別錄**主喉痺咽塞聲音變**吳
普

發明藏器曰鉤吻食葉飲冷水即死冷水發其毒
也彼土毒死人懸尸樹上汁滴地上生菌子

收之名菌藥烈於野葛也雜菜搗汁解野葛毒取
汁滴野葛苗即萎死南人先食雜菜後食野葛二
物相伏自然無苦魏武帝噉野葛至尺先食此菜
也時珍曰按李石續博物志云胡蔓草出二廣廣

入負債急每食此草而死以誣人以急水吞即死
急慢水吞死稍緩或取毒蛇殺之覆以此草澆水
生菌為毒藥害人葛洪肘後方云凡中野葛毒口
不可開者取大竹筒洞節以頭拄其兩脇及臍中
灌冷水入筒中數易水須臾口開乃可下藥解之
惟多飲甘草汁人屎汁白鴨或白鵝頭瀝血入
口中或羊血灌之嶺南衛生方云即培取雞卵抱
未成雛者研爛和麻油灌之吐出毒物乃生稍遲
也即死

本草綱目草部第十七下終

Handwritten text in cursive style (Sōsho) on the left page of an open book. The characters are dark and dense, filling most of the page.

Printed text in vertical columns on the right page of an open book. The text is arranged in approximately 10 columns, reading from right to left. The characters are smaller and more uniform in style than the handwritten text on the left page.





Kitasato Memorial Medical Library

